

9 50

2174210





JOAN. ÆGID. EUTH. M. D.

AGONISMA

DE

HYDROPE

CURIOSUM.

AD

RECENTIORUM MENTEM

DELINEATUM.




HAGÆ COMITIS.

Apud **NICOLAUM WILT.**

MD. C. C.

THE
HISTORICAL
MUSEUM
OF
THE
ROYAL
MEDICAL
SOCIETY
OF
LONDON



THE
HISTORICAL
MUSEUM
OF
THE
ROYAL
MEDICAL
SOCIETY
OF
LONDON

SERENISSIMORUM DUCUM
BRUNSVICENSIIUM ac LUNE-
BURGENSIUM

CONSILIARIO
MAXIMÆ FIDEI INTIMÆ-
QUE ADMISSIONIS.

Atque

RESIDENTI

APUD PRÆPOTENTES DO-
MINOS ORDINES BELGII
CONFOEDERATI.

NOBILISSIMO AMPLISSIMO-
QUE


DN. VALENTINO DE
S I E G E L.

FAUTORI ET ADIUTORI MEO
OPTIMO.

CULTU ET HONORE PERPETIM
DIGNANDO.

DEDICATIO.

*Salutem & Felicitatem in JESU
perennem !*

uod Aristides,
nobilis quon-
dam Rhetor
Atheniensis ,
persapienter tradidit &
inculcavit: Viros mul-
tæ existimationis ac au-
ctoritatis, *DEDICATIO-*
NE principaliter exci-
piendos esse.

Hoc , nostrâ adhuc
observatur ætate, qua-
propter *TIBI NO-*
BILISSIME DOMINE!
Qui annos ultrâ sex &
vigin-

DEDICATIO.

viginti Hagæ Comitibus,
SERENISSIMORUM TUO-
RUM DUCUM jussu, se-
dem miro cum applau-
su fixisti, inque negoti-
is ac congressibus mul-
tifariis, cum PERILLU-
STRIBUS ET PRÆPOTEN-
TIBUS DOMINIS ORDINI-
BUS.

NEC NON,
SERENISSIMO AC POTEN-
TISSIMO MAGNÆ BRI-
TANNIÆ REGE

GUILHELMO III.

Pro totius Orbis Chri-

DEDICATIO.

stiani salute , jugiter
TE CONSILIARIUM Per-
spicacem, Consumma-
tum, ad alta & excel-
lencia, peculiari natu-
ræ favore destinatum,
præstitisti.

Laudes Tuas immor-
tales, NOBILISSIME DOMI-
NE! si ebuccinare cona-
rer, quid agerem aliud,
quàm Solem facibus
irem illustratum

*Attingo haud ; satis est , Te tua facta
probant.*

Pro explorata inte-
rim

DEDICATIO.

rim Tuâ in me propensione, chartaceum hocce Munusculum, veluti perpetuum & publicum *καὶ εἰς ἄετον* Cippum, TIBI NOBILISSIME DOMINE! antiquissima cura erigere decrevi, cum omnigenæ prosperitatis voto, indubitata spe fretus, TE favorabiliter suscepturum.

Servet TE DEUS, bonorum omnium Dator, quo diutissimè animo

& cor-

DEDICATIO.

& corpore valeas, vi-
tæque tandem satur:

*Det Tibi tranquillè, det sine morte
mori.*

Scribebam festinâ
manu Hagæ Comitiss
Idibus. Novembris in-
ter morbos multi fu-
doris.

NOBILITATIS TUAE

Observantissimus

J. Æ. EUTH. M. D.

PRÆ-



PRÆFATIO

JOANNIS ÆGIDII EUTH.

PROdit nunc BENEVOLE LECTOR! AGONISMA MEUM DE HYDROPE CURIOSUM, renatum, renovatum, terque recusum, (optarem munde absque mendis, quæ, pro benevolentia tua perspectissima emendandæ,) cum ob Desiderantium copiam, tum Exemplarium penuriam, contra expectationem meam.

Si TIBI non arriserint omnia & singula; at animus tamen promptus & apertus inserviendi, forsitan non displicebit, alioquin πολυθρύξισον in confesso:

* *

Pro

Pro captu Lectoris habent sua fata libelli.

Conatus indefinenter in laude, effectus in casu ; hoc exulcerato inprimis ævo, ubi omnes sapiunt, omnes censent. Imo, qui suaviter vivere vult hâc in vitâ, sine calumniâ & invidiâ, is perinde facit, ac qui avet clarissimo in sole, sine umbrâ versari. Perdifficile, ita se gerere in cunctis, ne quid erres. Τὸ μὲν μηδὲν συνόλως ἀμαρτάνειν, ἴδιον Θεῷ.

*Nîl scio, nîl possum, nîl sum quoque,
quod tamen esse,
Scire & posse aliquid dicar, id omne
DEI est.*

Verùm enim verò, nonnulli noxiæ dediti πολυπραγμοσύνη, ex insanabili quodam scribendi cacöethe, operosè occupati sunt, in compilandis monstrosis Voluminibus & Scholiis manicis, enodandis ridiculis Anatomix, Chymix & Medicinæ tricis, quas ego cum Eorundem veniâ ac pace intrepidè ulcer

P R Æ F A T I O.

cera nuncupo cacöethica , ac excrementa Apollineæ artis virulenta , nam

Vilius haud quicquam , quam scire & discere tricas.

Harum tricarum accessione , Ars Medica potius oneratur , quam ornatur atque amplificatur. In scholis ac Academiis , uberrimi sæpe quæstus causa , discentes negligere perperam , est quasi corrumpere Virgines , ultima tradidit antiquitas :

*Non est discipuli res perniciosior ullâ ,
Quam Præceptoris perpera vita sui.*

Bene nasci præclarum: Bene educari præclarius: Respondere vero Parentum , Præceptorum atque Consanguineorum expectationi , præclarissimum , divitiisque anteponendum cunctis. Certe coeca & prope amens Eruditio illa , quæ res propinquiores & quæ ante pedes , etsi necessariæ magis sunt ,

tam neque videt, neque videre vult,
quàm remotas & frivolas otiose per-
vestigat, vel prorsus impossibiles mo-
litur res, ab omni sanâ recedentes ra-
tione, imitantur penissime *Archimeden*,
Architam, *Dædalum*, exin Scepticis-
mus, Orbis literati atrocissima pestis,
dissidium & dissensio.

Scorpius è terra etiam in Cœlum
translatus, interque sidera collocatus,
suam tamen retinet malignitatem atque
venenatam agendi vim, cauda te ferit
obliqua. Sic quoque inglorius Scio-
lus, vel ignobilis Zoilus, suos tantum
deformes amat foetus:

*Quippe est mos homini, quicquid sibi fe-
cerit ipse,*

Vile licet, maneat, comprobat ipse tamen.

Nolo velis rerum quicquam laudare tuarum;

Alterius nisi sint ore probata prius.

Virum decet ingenuum ac Corda-
tum, pauca ac utilia consignare, ve-
ra loqui, non falsa pro veris, perspi-
caci

P R Æ F A T I O.

caci obtrudere Orbi , fraudibus ,
technisve uti , ad acquirendam inanem
gloriam , immanem belluam , im-
mortalitatemque umbraticam :

*Odi inferorum januis atrocius ,
Qui corde condit versipellis ac duplex
Diversa ab istis , ore quæ promittit suo ,
Fraudum involucra & tortuosos tramites.*

DEUM ipsum semper præsentem ad-
esse existima , in omnibus quæ agis.
Ehodum BONE LECTOR ! ut nunc se-
culi nostri sunt mores , æstimandus non
librorum numerus , sed pondus ; non
prolixitas , sed brevitās , ingentem
creans voluptatem , legendique adau-
gens aviditatem , jactatur vulgo , liber
magnus , magnum malum , hic ergo
libellus , si malus , parvum saltem
erit malum. Natura paucis ut conten-
ta , ita & veritas :

Vis dicam Tibi veriora Veris ?

Miserum est aliorum incumbere famæ.

Philiatri sæpicule desides, Practici-
que præcoces, in Academiis muscas
quando captarunt, cumque umbris di-
gladiati, crudam tunc protrudunt
praxin, multorumque Mortalium eheu
vitam! libitinæ consecrant, scire quæ
debeant, nesciunt, per ingenii pau-
pertatem & tarditatem. Papæ! tardis
mentibus, nec virtus, nec scientia com-
mittitur, ut in bello bis peccare non li-
cet, ita nec in Medicina morborum-
que curatione. Ægrotantium visitatio,
sit restauratio, Debilium refectio, fes-
forumque spes certa. Magnæ interim
Virtutis est opus, non abduci fallaciis,
non seduci blanditiis, non frangi impe-
riis.

Proprio Marte excogitatum, nolle
adversus Adversarios & Aristarchos
mirabiliter morosos propugnare, mi-
serrimis miseriore pronuncio atque
Anticyras navigare jubeo.

*Cum tua pervideas oculis male lippus
inunctis,*

Cur

P R Æ F A T I O.

Cur in Amicorum vitiis tam cernis acutum,

Quam aut Aquila aut serpens Epidaurus.

Cæterum fungus una natus hora,
marcescit intra duas; at Plantæ crescentes tarde, firmiores sunt, transplantandæ tamen quandoque, ne à sua specie virtuteque desciscant:

*Vidi lecta diu & multo spectata labore,
Degenerare tamen, ni vis humana quot
annis*

Maxima quæque manu legeret.

Aromata efficacia odorem revera aliquem affricant tangenti, sic docti & modesti auram aliquam suæ virtutis. *Thestorites*, sola notus impudentia, nunc clam, nunc palam, alienam lacerat famam, veluti latens *Vipera*, in abstruso sua coquens *Venena*, inque iis, ferales *CURIOSIS* intendit extruere nidos, ad *Garamantes* & *Indos* cum universo suo asseclarum abeat choro,

spreta simul jejuna malevolorum calumnia; Ingeniis ego felicioribus, præclara Eruditione, sublimitateque judicii præditis, libenter absque pudore ullo, me si devicerint, cedam, triti illius memor:

*Si desint vires tamen est laudanda voluntas,
Qua quoque contentos auguror esse Deos.*

Porro legentium minime plaustum, sed proficientium summopere quæsi fructum, atque *Φλασίαν* devitavi; quæ sita discamus jugiter, inventa, nondum, quæramus alacriter:

*Nam vitiis nemo sine nascitur, Optimus
ille est,
Qui minimis urgetur.*

Fanatici vero Parochi, luto ab infima cooperiendi plebe, se hic extricare allaborant; quorum *ῥάσις* & confessio, pura puta est confusio, optanda illis mens sana atque concordia; discórdiam cum vitiis Auditorum potius habeant, quam

P R Æ F A T I O.

quam cum futilibus & commentitiis rebus, peregrinentur ut apes, non ut araneæ; Pacem jugiter colant fat noti Pastores, DEUS que pacis ac Amoris erit cum Illis; Pacificorum vero raritas, pretium facit, utinam & recte se se haberent cætera; pervagatum: Bene docere & male vivere, est se ipsum viva voce condemnare. Atque nemo periculosius peccat, quam qui peccata sua defendit, sic immensam DEI misericordiam, revera Lernam facit Diaboli. Imo sacrilegii instar est, in terra quærere, quod in sublimi debeas invenire:

*Esto probus saltem, si non potes esse peritus;
Quod fecit, ferat, hæc fuerit directio
juris.*

Faxit denique ὕμνος καὶ παρακλῆς AU-
CTOR CHRISTUS JESUS, ut unice in sui
Gloriam Hydropicorum misere decum-
bentium salutem & ἐὺλασίαν, AGONIS-
MA MEUM DE HYDROPE CURIOSUM
vergat & excrescat, Vale feliciter ac

**

5

fave

fave constanter DEVENERANDE LECTOR ! minus ἀκριβῶς, verum παχυλῶς à me prolata, boni confule, atque ALTISSIMO clementer annuente, apposite à me expectata tempore, abstrusiora, haud forte improvisa; quoniam

Sors mea DEXTRA DEI, sors ergo nulla nocebit.

Seu bona, seu mala sit, sors mea DEXTRA DEI.

Dabam Hagæ Comitibus Anno Epochæ Christianæ 1697. Die 21. Octobr. quo hilarati passim sunt Populi; at modice tamen PACIS RYSSWICENSIS PUBLICATIONE, proin cecini:

*Pax melior Bello, Pacem te poscimus Omnes;
Profuit HIS; ALIIS, quæ nocuisse
potest.*

Propterea nusquam vestris constantia TERRIS.

Pax juvat imbelles; Martia turba Vale.

APPL-

APPLAUSUS

AMICORUM VOTIVI.

IN CURIOSUM DE HYDRO-

PE AGONISMA.

E*St homo flos agri , tenuique similli-
mus umbræ ,*

*Aufugit & si quem credimus esse , fuit.
Mortuus Hippocrates , Polydarius atque
Galenus ,*

*Profuit His radix nulla , nec herba
recens !*

*Quid super est ergo , cum sint obnoxia
morti*

*Omnia , Cur vita hæc est reparanda
modo ?*

EUTHIUS *hocce docet , Clarissimus arte
medendi ,*

CUJUS *opem invalidi , non sine lau-
de probant.*

Hic

APPL. AMICOR. VOTIVI.

Hic SUMMUM MEDICUM *Nobis com-
mendat IESUM!*

*QUI propria mortem morte fugare pot-
est.*

Præcellentissimo Domino Com-
patri, multis nominibus mi-
hi colendo, in Amicitia in-
fucatae contestationem appo-
nere volui.

*Johannes Schellhamner. Aug. Con-
fess. Pastor Senior Hagæ Comi-
tis, per singularem DEI gra-
tiam Annum ÆTATIS 86. in-
gressus.*

AD

APPL. AMICOR. VOTIVI.

AD

Præclarissimum & Experientissimum

DOMINUM JOANN. ÆGI-
DIUM EUTH. M.D.

Pr. Hagiensem & Academiæ Naturæ Curios:
Celeberrimum,

AGONISMA DE HYDROPE
CUSRIOSUM

TERTIO,

Cum foenore luci publicæ consecrantem.

Ο'μφαλὸν Ægidius perduxit ad ὀφθαλόν,
arti

Quæ prodesse valent, enucleare stu-
det.

EUTHIUS intrepide perlustrans ἑνθεα re-
rum,

Obscura ingenii singula luce videt.

Jam

APPL. AMICOR. VOTIVI.

Jam densis versatur aquis , quæ mole
frequenter

Rigidius justo corpora nostra pre-
munt.

Nam quid aquæ valeant? pandit, quid
lymphæque possit,

Quæ vitam pariter, perniciemque
parant.

Ac non per saltum, Vires percurrit
aquarum,

In quibus impressus spiritus ipse
DEI;

Sed docto, lentoque gradu perstringit
HYDROPS

Distinctas causas, quæ latuere diu.
Ignaris ostendit iter, sciolosque re-
duxit

Ad veram Praxin, diffugiendo va-
gam.

Res ipsas hic tangit acu, praxisque me-
dullam

Perspicio tradit sed brevior stylo.
Quod subtile nimis, refecatque super-
flua, morbos

Tolle-

APPL. AMICOR. VOTIVI.

Tolere, non vero promere verba
cupit.

Admonet, haud mordet, *Priscos* vene-
ratur & hujus

Artifices secli, ex quibus meliora le-
git.

Dum describit Aquas, mediis clarescit
in undis,

Ne quis aquas in aquis, hauriat, ap-
te docet.

Laudat Opus quivis: Tu plura recondere
pergas

EUTHI! consilio, subsidioque ju-
ves.

*In amicitiae tesseram famæquæ tuæ
haud adversæ constantiam ac per-
petuitatem deproperabat ὁλοψύχως*

Joan. Baptista de Lamswerdē, Phil.
& Med. Doctor Ejusdemque
Facultatis in Celeberrima Colo-
niensium Universitate Professor
Honorarius & p. t. DECANUS.

Quid

APPL. AMICOR. VOTIVI.

*Quid sit dirus Hydrops? centum cur cruciet
Ægros,*

*EUTHIUS ecce docet, commoda multa
tulit.*

*Quod, tot centeni non ausi sistere quon-
dam,*

*Nunc cum laude unus. Digna brabéa
feret.*

Bonæ scævæ ergo Doctori &
Ductori Suo apponebat.

B. R. D.

JOAN.



JOANNIS ÆGIDII EUTH.

AGONISMA

DE

HYDROPE CURIOSUM

CAPUT PRIMUM.

De Definitione nominali.

QUanta vitiorum sit collu-
vies, quantaque lerna
malorum, infirmitatum
& Ægritudinum, per uni-
versum GENUS ADAMITICUM disse-
minata atque dispalata: Quibus mor-
A talium

talium vita , in hoc spatioſo mundi theatro , ob labem primævam , quotidie ac ſingulis propemodum momentis , deteſtabilem in modum labefaſtatur , conſtat ac in confeſſo eſt apud omnes.

Idcirco perrarum , invenire aliquem , qui non in corpore gerat morbum , in morbo mortem , atteſtante *Ovidio*:

Nascentes morimur, finisque ab origine pendet.

Mox hunc , quod valde dolendum , dira vexat Pleuritis , illum emacérat & immanis exſiccatur Phthiſis. Hunc exitialis paſſio corripit Colica , illum truculenta excruciat Nephritis , alium deniquè abſumit & atterit torvus atroxque *Hydrops* , morbus in morborum cenſu , non infima occupans ſubſellia , *Lucæ XIV. v. II.* Hic enim undique notiſſimus , atrociffimus & curatu difficillimus , inque BELGIO noſtro ferme ἐνδήμιος , ἀσώλιας ἀμφὶ , quippe tria ſtrenuorum Potatorum ſunt flagella ,
Phthi-

Phthisis , Arthritis , *Hydrops* :

Per quod quis peccat , per idem punitur & idem.

Η' ὡςⓈ χαλεπή , scribit Medicorum
Princeps , *Hippocrates libr. de intern.
affectib.* καὶ παῦροι ταύνην διαφυγάνεσι. Mor-
bus gravis est , (*hydrops*) & ex quo
pauci evadunt. Altas quando egit ra-
dices , perque μετέτασσι exortus , per-
scienter *Persius* :

*Helleborum frustra , cum jam cutis agra tumebit ,
Poscentem videas : Venienti occurrite morbo.*

Et Aretæus l. 2. de sign. & caus. diut.
c. i. *Hydrops* injucundum aspectu vi-
tium est , & toleratu difficile , ab ip-
so enim perpauci liberantur : idque
felicitate quadam , ac Deorum potius
quam artis auxilio. Et Cardanus *ad
Hippoc. prognost. i. l. 2.* Neque Græci ,
inquit , referunt sua cura Ægros sana-
ri : quin imò vix unum inter innume-
ros evasisse , testantur.

Hunc periculosum & contumacem

A. 2

tamen

tamen Morbum , pro ingenii modulo , ad *Neotericorum mentem* , cum ratiocinativis Pharmacis , ac impigris Experimentis , salutariter & haud cunctanter utendis , delineare libuit , probe perpendens : ἀρχὴν τῆς παιδύσεως εἶναι τὴν τῶν ὀνομάτων ἐπίσκεψιν. Initium doctrinæ , nominum esse inquisitionem , quæ fundata , nemine forsan contradicente , in HOMONYMIA :

Errorum genitrix est Æquivocatio semper.

Generaliter denotat omnem in quavis corporis parte , lymphæ depravatæ collectionem præternaturalem , non tamen ἀπλῶς , sed μετὰ προοδήκης , partis morbosæ , cui scilicet in hæret : Sic datur

Hydrops capitis , cujus mentionem faciunt. Ephemerides Germanorum *Decur. 2. Ann. 10. p. m. 202.* Magnus *Wedelius* , Amicus meus antiquus ætatem æstimandus , quo non utor , ut Floribus , tam diu gratis , quam diu recentibus , passim & undique suis , in scriptis : *Quid*

Quid doctrina prodest ? nisi publica scripta supersint.

Emeritus *Stalpart vander Wiele*,
Observat. rar. p. m. 109. Eruditus
Lamswerde Observat. 33. in arma-
mentar. chirurg. p. m. 253. Percelebris
Decker Exercitat. med. Pr. p. m. 656.
Indefessus Pechlin observat. Phys. Med.
p. m. 148. 149. 150. Meus bohn lip-
sæ in circulo anat.

Ingenio præstans, raris Virtutibus auctus :
Protulit in lucem pignora clarus erit.

Stephanus Blanchard collect. Physico-
Medic. cent. 1. observ. 73. B. Wep-
ferus exercit. de apopl. histor. 13. p. m.
376. & histor. 14. p. m. 398. Et Pro-
motor olim meus Trajecti ad Rhe-
num Henricus Regius, Carthesii com-
petitor impiger, Prax. med. cap.
13. p. m. 57. Isbrand de Diemberbroek
disp. pract. p. 1. c. 28. Fabrit Hilda-
nus observat. chirurg. 10. cent. 1. & ob-
servat. 19. cent. 3. Pawius *observat. 5.*
p. m. 10. Nicol. Tulp *l. 1. cap. 24.*

*p. m. 49. & 50. Theodorus Kerckring
observ. anat. 46. p. m. 102. Paul. Ægi-
neta l. 6. c. 3. Aurel. Severinus de re-
cond. abscess. natur. p. m. 183. Theoph.
Bonetus anat. pract. l. 1. sect. 2. observ.
45. p. m. 112. Zacut. Lusitan. prax.
admir. l. 1. obs. 5. Sennertus l. 1. pr. p.
1. c. 28.*

*Hippocratem clare & Galenum contrahit arte
Sennertus Medicis Bibliotheca valens.*

Et

Langius his nullis dotibus inferior.

*Hydrops tunicæ annatæ Oculi.
Ephem. German. Decur. 3. Ann. 3. p.
m. 4. Per similem huic observationi,
observare mihi contigit Hagæ Co-
mitis Die 16. Junii Anno Christi
1696. in filio 19. annorum Bernhardi
Suidhofs, Extravasationem feri, in-
tolerabilis prægressa fuit Cephalal-
gia:*

Rebus in angustis facile est contemnere Vitam.

Verum

Verum pristinae hunc reddidi fanit-
tati, dein se contulit. Lutetiam Pari-
siorum, Pace publicata Ryswicense.

Hydrops uteri. Ephemerid. Ger-
man. Dec. 2. Ann. 5. p. m. 142. 146.
Fernelius l. 6. de part. morb. & symptom.
c. 15. p. m. 230. Andr. Vesalius corp.
human. fabric. l. 5. c. 9. Mauriti. Cor-
dæus com. 5. in lib. 1. Hippocr. de mul.
Nicol. Tulp. l. 6. p. m. 369. Regne-
rus de Graaf tract. de organ. mul. gener.
inserviend. c. 8.

Hydrops scroti. Aetius libr. ultim.
cap. 97. Avicenn. 24. tr. 3. c. 25.
Fernelius p. m. 218. Fabrit. Hildan.
cent. 1. observ. 48. & cent. 2. observ.
56. Augustinus Thonerus l. 3. obs.
med. p. m. 148. 149. 150. Petrus Lo-
tichius observ. med. p. m. 513. 514. 515.
Rolfinc. in Epit. meth. cogn. & cur.
morb. part. l. 3. cap. 9. Ex præmemo-
rato Hydrope, ante septennium & ul-
tra, symptomate novo interveniente,
videlicet Ptyalismo enormi, misere,
sed pie, vitam commutavit cum

morte *Hagæ Comit.* *Hagiensis Poliater* haud obscurus, *Dominus Arnoldus Bosch*, Amicus percharus. *Thomas Bartholinus cent. 2. histor. 64. & cent. 2. p. m. 286.*

Hydrops penis. *Ephemerid. German. Ann. 3. Decur. 3. p. m. 14.* *Hagæ Comit. & talem annotavi 1681 in Famoso Gallo de Storp, fraudulenter & ignaviter non fortiter & animose diversas munitante urbes finitimas, (nominibus parco,) hinc Præpotentum & Perillustrium Ordinum jussu, sine ullo comperendinatu in carceres projectus, in iisdem per tempus fuit attentus, janitoris autem adminiculo exiit ex his, sese postea recepit clanculum Venetias, postremo Negropontum, ubi obiit.*

*Rebus in humanis Regina pecunia nauta est,
Navigat infelix, qui caret hujus ope.*

Hydrops pudendorum in Gravidis, *Ephemerid. German. Dec. 1. Ann. 3. p. m. 394. & 458.*

Ovarii

Ovarii muliebris. Ephemer. Germ.
Dec. 2. Ann. 9. p. m. 234. & Dec. 2.
Ann. 10. p. m. 66.

Tristium muliebrium. Ephem. Germ.
Dec. 2. Ann. 1. p. m. 432. Marcellus
Donatus l. 7. c. 7. p. m. 689. Schenk
l. 3. observ. 13. p. m. 474.

Tubæ dextræ Virginis, Ephemer.
Germ. Decur. 2. Ann. 2. p. m. 233.
Thom. Barthol. Act. Hassniens. tom. 1.
observ. p. m. 432. Clar. Professor Ul-
trajectinus, Dominus Munnicks
ante lustra tria centum & duodecim
aquæ animadvertit libras Medicas.

Hydrops umbilici. Ephem. Germ.
Decur. 1. Ann. 5. obs. 135. p. m.
186. Benivenius cap. 42. Forestus l. 19.
observ. 33. evolvatur quoque *Anato-
me mea umbilici curiosa.* Quemadmo-
dum in Hydropicis serosa colluvies
non raro per umbilicum excerni-
tur, sic quoque per eundem, mate-
ria purulenta sequens consolidat Hi-
storia. Hagæ Comitum Anno Christi
1697. die 3. Januar. ad Pudicam 38.

annorum filiam Agatham Glaferam, de tuberculo admodum dolorifico, in ipso umbilico conquerentem, Petrus Bluseé Chirurgus mihi Ordinarius accersitur, appropriatum illi applicat Emplastrum, sed altero ingravescit die dolor, in consilium advocor & ego, Ægram febricitantem & inquietam verbis erigo blandis, locum inspicio affectum, oppido ulcusculum lentis ad instar majoris offendo cacoëthicum, sermones cum citato Chirurgo ut moris, occultos sero & opportunos medicamur ægræ, inquilino clysmate, congruo cataplasmate, Tinctura balsamica, Spiritu analeptico. Cum jam in summo vitæ versaretur periculo, quarto adaperimus die, in matris, binarumque sororum præsentia, saniei putris, crassæ, viridis, pessime olentis, libra ferme una ex umbilico *exiens* effluit, non sine ingenti commodo. In causa namque fuit abscessus dextro in hypochondrio absconditus, sic plurimum puris quotidie

die emissum fuit foetentis , quod ultra tres integros duravit menses , præter plurimorum tamen Opinionem, Euporistis , alimentisque conducibilibus valetudinem recuperavit priorem , atque paulo post in matrimonium ducta à Vexillifero Lansberge. Nunquam melius invidos ac Obtrectatores torquebis , quam Deo conscientiae optimæ , virtuti gloriæque inserviendo. Hochstettero *observ. med. decad. 2. p. m. 175.* Et Jobo Mekerano *obs. c. 23. p. m. 150.* Talis *ἑρόπεια* non ita succedit , qualis nunc nobis :

Duc nos , nec sine Te Deus ! Optime , nos sine duci.

Hydrops Embryonis , Ephemerid. German. Decur. 2. Ann. 2. p. m. 63. inque Foetu abortivo. Ephem. German. Decur. 2. Ann. 3. p. m. 298.

Omenti. Ephem. German. Decur. 1. Ann. 9. & 10. Malpighius de oment. part. 2. p. m. 232. Marcellus Donatus l. 4. de med. histor. mirab. c. 21 p. m. 430.
Wel-

Welschius *Episagm.* 30. Fabrit. *Hildan. cent.* 3. *obs.* 62. River. *obs. communic. p. m.* 393.

Peritonæi. Nicol. Tulp. *observ. Med. l.* 4. *c.* 43. *p. m.* 367. Jobus Mecker. *cap.* 49. *p. m.* 287. 291. Gerhard. Blasius *append. ad Vesslingium p. m.* 369. Anthon. Nuck *Anatomicus Hagienfis Anno Christi 1680. d.* 21. *Januar.*

Mesenterii cum hydatidibus. Ephem. German. *Decur.* 2. *Ann.* 2. *p. m.* 237. Höfferus *Hercul. med. l.* 3. *c.* 2. Nicol. Tulp. *observ. med. l.* 2. *cap.* 34. *p. m.* 156. & *l.* 3. *cap.* 32. Riolanus *enchirid. anat. c.* 16. Insignis Anatomix & Chirurgix Professor *Ruisch* Amstelodami, Fautor meus edecumatus *observ.* 25. *p. m.* 83. Afflictus & moerens hic recordor Sere-
nissimæ PRINCIPIS E. E. L. Viduæ,
Dominæ meæ perbenignæ, quæ gra-
vidam se esse putabat, ut in primo ani-
madvertebat conjugio, propter men-
struorum cessationem, anorexiam,
nau-

nauseam, Vomitiones; ventris tumorem, aliaque graviditatis Phænomena; nec ipsis, cum Medicis, tum Obstetricibus refragantibus. Quid accidit? quinto mense PRINCEPS Laudatissima, posthumi loco, post multos exantlatos dolores atque luctus, (sapienti fat,) membranaceam edidit massam hydatidibus refertam, hinc adstantes

Conticuere omnes intentique ora tenebant.

Brevi intervallo Prælaudata PRINCEPS pia inter suspiria, naturæ persolvit debitum, sit Beatissimæ PRINCIPIS memoria in benedictione.

Hydrops faccatus in auditus. Ephem. German. Decur. 2. Ann. 1. p. m. 425. Spurius Ephem. German. Decur. 1. Ann. 4. & 5. Jacob de Partibus ad libr. 3. Avicenn. cap. 21.

Ventriculi. Ephemer. German. Decur. 3. Ann. 3. p. m. 44. Joannes Rhodius obs. med. centur. 3. p. m. 129. La-

Lazar. Riverius *observ. communic. p. m.* 314. Joannes Costerus Archiater REGIS SUECIÆ CAROLI GUSTAVI. in *Tabul. Med. p. m.* 241.

Lienis. Carolus Piso *de morb. à feros. colluv. sect. 7. cap. 4. p. m.* 433. & *p.* 439. Jobus Mekeran. *cap. 6. observ. med. chirurg. p. m.* 456. et 461. Thom. Bartholinus *Act. Hassn. obs. 13. p. m.* 23. Et præprimis ex Perspicacissimo Hippocrate *l. de affect. mul. l. 1. nam*

Dulcius ex ipso fonte bibuntur aquæ.

Ingeniosissimus Peyerus *histor. med. Celsus l. 3. cap. 21. Aretæus l. 1. de morb. diuturn. c. 14.*

Hepatis. Galenus. *l. 5. de loc. & de facultat. natural. c. 7. et l. 6. de loc. affect. c. 1.* Hunc Galenum alacriter posteriores secuti sunt Græci, & Arabes (solo duntaxat Averrhoë excepto,) quin & alii populi, quorum certe innumerabilis existit caterva, silentii peplo potius involvenda, quam enu-

enumeranda ; Omnem semper exoriri *Hydropem* ex hepatis delitescente labbe ac pernicie , illi apertissime titubarunt & cespitarunt , è fida satis superque elucescit Relatione , Cadaverumque sedula dessectione & investigatione , accuratius tunc edocti , inque dies certiores facti sumus :

Virtutem posuere Dii sudore parandam :

Virtus nam vidua est , quam non Patientia firmat.

Pectoris , Ephemerid. German. *Decur.* 1. *Ann.* 4. *observ.* 29. Petrus Poterius *cent.* 1. *p. m.* 12. 13. Holle-rius *commentar. in Hippocr.* *p. m.* 621. Wepfferus *exerc. de Apopl.* *p. m.* 287. Nic. Tulp. *obs. med.* *l.* 2. *c.* 128. Hercul. Saxon. *l.* 2. *p. m.* 152. à Lams-werde *append. armament. chirurg.* *p. m.* 252. Zacut. Lusitan. *pr. admir.* *l.* 1. *observ.* 111. *p. m.* 26. Thom. Barthol. *cent.* 2. *hist.* 7. Plater. *tr.* 3. *c.* 3. Guarinon. *conf.* 563. et 194. Capi-vacc. *l.* 30. *pr.* Savonarolla *tr.* 6. *c.* 14.
La-

Lazar. Riverius *cent.* 4. *p. m.* 42. *et cent.* 1. *obs.* 88. Petrus Lotichius in *obs. med. p. m.* 320. 321. 322.

Hac è specie Hydropis, Imperatorem Maximilianum interiisse, Trium Imperatorum Medicus Crato, *epist.* 163. à Scholzio edit. commemorat.

Luctus ubique pavor & plurima mortis imago.

Hydrops pericardii. Andr. Cæsalpinus *l.* 7. *catopr. med. c.* 23. Fernelius *l.* 6. *Barthol. c.* 8. Carolus Piso *de colluv. seros. sect.* 3. *c.* 2. Tulp. *l.* 4. *obs.* 19. Gerh. Blasius *obs. med. rar.* 19. *part.* 1. *p. m.* 31. Thom. Barthol. *Act. Haffn. vol.* 1. *p. m.* 174. *observ.* 89. Fidelis quondam studiorum meorum moderator Rolfinck. in *Epitom. method. cogn. et cur. affect. partic. l.* 2. *c.* 1. *p. m.* 2. quin & B. Schacht. Fr. de le Boë Sylvius Lugduni Batavorum sua in Praxi.

Gutturis, in puella, Montanus
obser-

observavit *confil.* 189. *p. m.* 199. atque feliciter per cautam curavit incisionem. Marcellus Donatus *l. 7. p. m.* 690.

Brachii, Ephem. German. *Decur.* 3. *Ann.* 2. *p. m.* 1, 2, 3, 4. Horstius *l. 7. histor. mirabil.* Sennertus *l. 2. part. 1. c. 25.*

Manus, Sennertus *l. 3. part. 6. c. 3.* Et ego *Gissæ Hassorum* 1663. in B. Cognato meo Dn. Chelio.

Pedum, Thom. Bartholin. *cent. 2. histor.* 37. *Isennaci Thuringorum* 1672. ego in metatore seu designatore aulico Joanne Georgio Schneidero sexaginta octo annorum. In Nicolao Leonardo Nautâ 36. annorum 1678. *Schevelingæ*, Nec non *Hagæ Comititis* 1699. Die 8. Octobr. in Famigeratissimo *Jdo* Domino Joanne van R. Leydensi, 43 annorum, beate è vivis excedente, Hydropem Brachii, Manus, Pedis simul finistri à femore ad calcem usque, gnaviter annotavi: Corporeque aperto, Pulmonem finistrum totaliter suppuratum at-

B

que

que uno in orbiculo papillatum. Pulmonem dextrum, purum putum duntaxat repræsentans parenchyma flaccidum, atque firmiter lateri ac diaphragmati accretum. Hepar insolitæ & stupendæ magnitudinis, helvi coloris, bina facile exsuperans Hepata humana, in parte sima hepatis non gibba, abscessus se manifestabat notabilis, magnam quoque puris quantitatem, ultra annum, tam per alvum, quam per urinam & os tussi ad stuporem adstantium excrevit, affinitas cum pulmone non vilipendenda. Lien una in areola cyanei coloris. Intestina adhuc mediocriter sana, haud excluso omento. Demirati mecum sunt testes oculati. Reuerendus Dominus *Wodewaart*. Pastor Hagienfis. D. Bischoff è Selandia Advocatus. N. Ball Chirurgus & alii. *ὡς ἐν παρόδῳ.*

Renum, Felix Platerus *l. 3. obs.* Thom. Bartholin. *hist. anat. 25. cent. 4.* Thom. Willis *parthol. cer. c. 9.* ut Galenus ab Hepate, sic *Helmontius* omnem

nem à solo Renum provenire archæo *Hydropem*, audacter affirmat ; Verum moderatior fuit Jenæ Professor B. Joann. Theodorus Schenck, in *Exercit. anat. p. m.* 497. Carolus Piso, de *morb. à colluvie serosa sect. 5. cap. 4. p. m.* 534.

à *Vasorum Lymphaticorum* ruptione *Hydrops*, visceribus reliquis planè illæsis ac integris. Isbrand de Diemberbroek *Anatom. l. 1. cap. 12.* In Virtute jugiter Victoria, non in Vitio. Ante annos aliquot, tempestate nimis pluviosa & frigida, ex uliginosis pratis Hollandicis, multa hydrope laborantia Bruta, ad stabula fuerunt deducta, à Lanionibus, postmodum macinata : certe non pauca, tumoribus repleta aquosis, cucurbitas, melones, cucumeres, poma, pyra, juglandes, avellanas, magnitudine æmulantibus ; hinc ex speciali & laudabili *Praepotentum Dominorum Ordinum* mandato, tales, aliis etiam è morbis, carnes bonitate sanis omnimode cedentes, in macellis pro-

pe coemeteria , minori venduntur pretio egenis , in hunc usque diem.

Historias in præsentiarum , bona fide adducere plures ex Auctoribus aliis , de re Medica optime meritis , jugiterque deamandis , brevitās fane temporis gravioresque mihi vetant Occupationes , apposite *Ovidius*

*Corpora debentur mastis , exanguia bustis ,
Effugiunt structos nomen honosque rogos.
Occidit & Theseus & qui comitatus Oresten
Sed tamen in laudes vivit uterque suas.*

Specialiter , pro tubulorum Lymphaticorum in Abdominis cavitate radicatorum , accipitur ἐμφράζει , à lymphā & acri & glutinosa Massā inquinante sanguineam , transitumque sufflaminante liberum. Tubuli jam memorati , fixo meo obtutu , stiriarum ad instar tenellularum tempore existunt brumali , non absque valvulis seu repagulis arcte occludentibus , invitissima sic exsurgit διαίρεσις , functioque Oeconomiae animalis ἀδρόως pertur-

turbatur, labefactatur, imo μεμψιμοιρία
 seu intempestiva horrendi nostri Af-
 fectus exoritur querela, cum fastidio
 in cibos, siti inextinguibili, dys-
 pnoea, febre lenta, anxietate, urinæ
 paucitate, tussi sicca.

In cunctis Microcosmi ferme parti-
 bus, *Vasa Lymphatica*, ut inveniuntur
 diffusa, ita & glandulæ dispersæ,
 cum conglomeratæ, tum globatæ,
 ὀφθαλμοφανερῶς secretioni Lymphæ in-
 servientes: Semotis odiis; Quot
 membra, tot *Hydropis* nomina, affatim
 explanavi supra.

*Non quod progenui, protinus istud ames:
 Me mea delectant, Te tua, quemque sua.*

Considerationem hic non subit me-
 am; *Hydrops Tympanites*, in quo, ab-
 domen tympani in modum distenditur,
 mantique percussum, edit sonitum,
 diuturnis torminibus prægressis circa
 umbilicum, atque passione hysterica
 in sequiori sexu, infantibusque Rachi-

tide laborantibus. Neque *Leucopphlegmatia*, in qua, universus corporis habitus per carnem & sub carne, Zymomate tam seroso, quam viscoso, tumet & turgēt, digitorumque vestigia remanent impressa;

Verum *Ascites*, famosior ac præcipua *Hydropis* species, quam Sanitatis Custodes in castris Apollinaribus versatissimi & acutissimi, in Scriptis ut plurimum intelligunt, dum Hydropem nominant, sicque eo jure, ego quoque, quo illi, *Agonisma meum de hydrope curiosum*, sic inscripsi fide ac candide, tertia vice, auctius & correctius ob Amicorum efflagitationem & Exemplarium distractionem divulgavi, omni cum φιλομαθία, sineque κενοδοξία ulla:

*Quisque suas dotes teneat, nec præferat ulli,
Quod Deus oculia donat habere vice.*

Synonymia, rei evidentiam illustrans variorum nominum appositione. Græcis

cis dicitur, ὑδρωπικῆς, ab ὑδρωπικῶν, hydropicus sum, ὑδρῖσις, affectio, passio aquosa, item ὕδωρ, aqua. Latini, appellationes Græcas in forum transtulerunt suum, ut hodierna adhuc die ipsis audiat Hydrops. Morbus hydropticus. Passio hydropica, ut magis tamen latina exprimitur voce, Aqua inter cutem. Intercus, non quod omni in specie, inter carnem & cutem contineatur, sed infra partes cutaneas. Aliis dicitur, Ros humidus. Liqueor resolutus. Aqua resoluta, ad aquæ simplicis usualis differentiam. Undimia, ab unda. Languor lymphaticus. Hydra deformis. Lacuna. Scatebra squalida, imo diluvium microcosmi crudele, mira exercens crudelitate Ægrotantium corpora. Sicut Macrocosmi diluvium, ineffabiles invexit ærumnas ac miseras, locuples est testis SACRA SCRIPTURA. Genes. 6. vs 17.

Ecce Ego adducam aquas diluvii super terram, ut interficiam omnem

Carnem, in qua Spiritus vitæ est subter Coelum & universa, quæ in terra sunt, confumentur.

Germanis, die Wasserfucht, oder die Wasserfülle. *Batavis* het Water. *Gallicis* hydropisie. *Italica* hydropisia.

Paronymia, nominum derivatio, derivant græcæ linguæ Antistites, ἀπὸ τοῦ ὕδατος, aqua & ὠπὸς, facie. Inde hydrops non minus scite, quam vere, quasi ὑδρική ὤψ, aquosa seu aqua turgida facies, quoniam vividus, floridus & roseus faciei color, in lymphaticum, cadaverosum & torvum, luridum ac foedum convertitur, Experientia, omnium rerum fida magistra, testimonio sufficienter comprobatur.

*Acer & ad palmæ per se cursurus honores,
Si tamen horteris, fortius ibit equus.*

CAPUT SECUNDUM.

De Definitione Reali.

REpurgato Augiæ stabulo, recte nunc tendo tramite ad *Definitionem*, quæ Oratio est, ipsam rei exponens essentiam, sequens esto.

Hydrops Ascites est congeries præternaturalis, lymphæ peculiariter corruptæ, Oeconomiam destruentis animalem, cum phænomenorum Pathognomonicorum syndrome.

Definitum, Hydrops ascites, græca civitate donatum vocabulum, dependens ἀπὸ τῆς μήτρας, utre seu utero, quod hoc conflictati morbo, aquam in abdominis capacitate, seu spatio illo, quod existit inter peritonæum, omentum & intestina, in utre quasi gerant, vel manu percussus, in mo-

rem utris, aqua referti refonet, hinc Utricularis etiam vocatur morbus. Uterus juxta Veteres, omne est receptaculum, in quo aliquid ad tempus abstrudebant, continebant & conservabant.

Genus constituo, collectionem præternaturalem, quippe admirabilis corporis humani fabrica, suam non amplius retinet proportionem naturalem, sed in ingentem excrescit molem, augetur & attollitur, fitque deformis aspectu. Notabiliter dixi, præternaturalis, quo discriminetur & disspescatur à congerie naturali ac habitu, partiumque incremento, ut notum, imo notissimum in obesitas, in latum & profundum crescentibus, penes quos, nulla plane functio Machinæ nostræ pneumaticæ læsa deprehenditur, se quoque *παρὰ φύσιν* non habent, verum non naturaliter. *ὅγνη* insuper morbus est respectu laticis collecti peccantis, symptoma neutiquam, nisi secundum quid, quatenus est fructus & sobo-

foboles alterius morbi, videlicet Cachexiæ. Febris. Icteri. Scorbuti. Calculi. Luis Venereæ.

Lympha peculiariter est depravata, propter restagnationem ac συναθροισμὸν particularum viscosarum, acidarum salinarum, acrium, imo nonnunquam causticarum, antegressa nempe pertinacissima ἐμφράζει: Vasorum inde tenellorum *Lymphaticorum*, per omnes & singulas certe corporis partes dispersorum, glandularum innumerarum, tam conglomeratarum, quam globatarum, mirifica distenditur & disrumpitur textura, atque in inferioris sic ventris cavitatem, præmemorata nocens destillat unda, vel si mavis, irruit, Oeconomiam animaleam destruit; evertit universam & φθορὰν producit haud levem, varii coloris, nempe lactescentis, citrini, lutei, viridantis, nigricantis, ἀνθρώπων οὐλοῦντων οὐλοῦντων fides:

Utile consilium cura prae-grande secutus:

Quan-

Quantitatem Hydræ nostræ deformis exquisitam, inque Abdominis capacitate repertam, determinare nequeo, quoniam Sagaces Cadaverum perscrutatores, quandoque centum, nonaginta, octoginta, scatebræ squalidæ libras effluxisse consignarunt.

Ego *Hagæ Comitis* Anno Christi 1692. Die 22. Junii. in Septuagenario *Duce. C. L. Mecklenburgico*, sexaginta animadverti libras, Cujus pia sit memoria, Cujusque Generosam animam *Deus Triunus* æternis & salutiferis beet gaudiis.

Porro Joannem Aurigarium è Franconia, gigantæam suam Vitam debacchantem in potando, atque hydrope finientem *Marxuhlæ in Thuringia* 1673. idibus Novembris, cum Chirurgo aulico Martino Weidman, & Capitaneo de Selbach, cultro subjeci anatomico, laticis perquam foetentis, colorisque subrubicundi, cerevisiæ instar Roterodamensis, libras medicas centum & ferme quadraginta sedulo

dulo animadverti, neque memini me in ullis Antesignanorum ac Medicorum primipilarium monumentis, legisse de tali crudeli ac universalí Microcosmi diluvio, ab obicibus cunctis *Lymphaticis* minus obfirmatis procul dubio, & penitus exesis & ruptis, caustici languoris vitio: quippe patentissimum repræsentaverat dolium, apertum cadaver, admirationeque dignissimum:

Pascitur in vivis livor, post fata quiescit.

CAPUT TERTIUM.

De Subjecto & Causis.

O νόσος cum sit συμβεβηκός, expostulat subjectum, cui inhæreat, inque quo sustentetur, veluti materiali causa:

sa: Accidens enim perse subsistere nequit.

Subjectum, in quo πρώτως in tempestitiva Microcosmi inundatio, delitefcats, Abdomen pronuncio, necnon, partes continentes carnofas, membranoſas, *Lymphaticas*, καὶ ἰζοχὴν, araneofas, tortuoſas, fibroſas, glanduloſas, lacteas & alias quæ extendi atque dilatari queunt. Sodes nonne verum? Quod natura, per naturam, explicanda, haudque per rationes fit evertenda, ſed ſimul his ſuffulcienda. E. G. Uterus ἀπλῶς perpenſus, nucis avellanæ magnitudinem vix excedit. Tubæ Fallopianæ vix parvum admittunt ſtylum; tempore vero prægnationis ac geſtationis quotidie in prægrandem affurgunt magnitudinem.

Quid non contingit in Omphalocele, Epiplocele, Enteroccele, Phyſoccele, Hydrocele, Sarcoccele, Bronchocele (Alpinis vernacula populis,) Cirſoccele ſeu varicoſo ramice: fileo jam alia tumorum genera, propter tem-

temporis, chartarumque angustiam.

Δεξιέρως partes profecto decliviores,
inferiores & procul distitas, sicco mi-
nime prætereo pede, ut testes jam
Medicos Exercitados & non semisses
in *Praxi Medica* allegavi: quapropter
cramben apponere biscoctam, super-
federe statui:

Ridetur chorda qui semper oberrat eadem.

Et prudens ille cæteris ἐπιπολὺ.

Qui morbos hominum multorum vidit & ausus.

Causarum quanta sit necessitas ad
morbi explorationem, à qua curatio-
nis tota dependet felicitas, in propa-
tulo est: ea Medicus non instructus,
peccat & fallitur, verusque morbo-
rum triumphator existere nequit: Sub-
lata nimirum causa, tollitur revera
effectus, ipse morbus:

*Felix qui rerum potuit cognoscere causas,
Ille metus omnes, & inexorabile fatum
Subjiciet pedibus, strepitumque Acherontis avari.*

Immo-

Immodici quidem quondam laboris fuit doctrina de *Sanguinis Circulatione*, infinitis opinionum vepribus & spinis septa, ita, ut in proclivi non fuerit, ex hac semet extricare difficultate, quoniam multis ab annis Medicinæ Procerum & pennas & ingenia admodum exercuit, ceu opus periculosæ aleæ plenum, ita & *Hydropis* causa:

*Tentare ingenium, non ostentare volebam,
Tu cuncta ad laudem dirige Jova tuam.*

Causa Proxima, Lympha existit commonefacta, arterioso è sanguine sequestrata, acrimonia & viscositate peccans, tubulos expandens, erodens, disrumpens Lymphaticos sparsim in Microcosmo sitos, nec non à natura efformatas ad prodigium valvulas pernecessarias, glandulas recitatas, haud exclusis miliaribus, lithospermicis ac anonymis, quarum ferme myriades adhuc sunt, debita sic Lymphæ impeditur *circulatio*, unanimiter Sanguinis con-

consolidat Circulatio, de qua fuse in
Anatome mea umbilici curiosa.

Ἀλώπιζ' ἔλαλει, ἀλλὰ κόραξ. Certe, non
multis eget verbis Veritas, licet con-
vitiis, caninaque facundia sit impu-
gnata. Ἐν τῷ σπερδάσει προκόπθμεν, studen-
do proficimus.

*Non jacet in molli veneranda scientia lecto,
Illa sed assiduo parta labore venit.*

Ecquem latet? læsa è Chylosi, læ-
sam proflire Hæmatosin, ac ex hac,
Oeconomix Animalis suspectam Dis-
pensationem, discordabilem Nutri-
tionem, tragicum exitum, ad nutum
se nostrum minime accommodantem:
Sævum hinc Microcosmi introducitur
diluvium, in plures Macrocosmi in-
habitatores.

Cor, optimi instar Patris familias,
paternam suam in Re Oeconomica,
prærogativam & administrationem po-
tenter & patenter exercentis, se gerit
curatve.

Hepar, Lien, Renes, cum Visceribus

ribus reliquis, ad negotia domestica feliciter exsequenda, colando, depurando, absorbendo; fecernendo & secedendo, ceu fidos & sollicitos se præstant administratos, modo in hoc contentionum fallo, damnosum absit *οχι ουκ.*

- - - *Omnis redeat labor actus in Orbem.
Me trahit artis amor veri studiumque sciendi.*

Pereleganter Psalmista *Psalmo 139.*
*Mi Deus confiteor Tibi, quod miris
& stupendis modis formatus sim,
quodque eximia sint Opera tua, quæ
optime novit anima mea.*

Dic fodes, accurata Hominis dis-
sectio, annon res difficilis & salubris?
Lux, ornamentum, fidissimus Hodo-
getes artis est Asclepiadeæ? ad ani-
mum collustrandum, judicium for-
mandum atque prudentissime sanan-
dum. Utilitate igitur & necessitate,
cæteras præcellit scientias, quippe
pervagatissimum, *γνώσις παντων.* *Nosce te
ipsum.*

Pseudo-

Pseudo-Medicis , temeritatis inconsideratissimæ plenis , mentisque caligine confitis , indefinenter infufurrandum , Manum de Tabula , de humano enim hic luditur corio , homini tempus consultor optimus.

Consule Vir , fac vota Senex , juvenisque labora.

Sed quorsum *Anatomix* provehor amore ? enodanda & explananda mihi.

Causa remota , Vasorum Lymphaticorum , ut & , ausim dicere , innumerabilium simul glandularum , antegressa *σπνοχωρία καὶ θλίψις* , Lymphæ mox fluxus & refluxus ad loca alias consue-
ta retardatur , Sanguis ipse deturbatur arteriosus , suisque particulis orbatur balsamicis , oleosis , aëreis , aqueis , acidis , salinis , terrestribus , viscosis & sic porro : Inde *ἡγανῶς* impropor-
tionata Sanguinis Mixtio , Manifestam virium produciens perditionem , καὶ τὴν ἀποθνήσκον
& se erigit , à basi nempe ad periphe-
C 2 riam

riam ipsam. Attestante omnium memoria, unius rei plures possunt esse causæ, si uspiam; certe in arte Medica.

Dispositio Hæreditaria, suum etiam confert symbolum, nati paternorum malorum citius fiunt hæredes, quam bonorum:

*Qui vires in foliis, venit à radicibus humor:
Sic Patrum in Natos veniunt cum semine morbi.*

Ætati facile omni, principaliter Senili, Hydrops communis, quoniam flammula tunc Vitalis, decrescere incipit:

Sanguis hebet, frigent effoeta in corpore vires.

Sexus uterque hoc conflictatur malo; sed sequior κατὰ φύσιν, obtinet υπερεξ-
σίαν, supereminentiam. Atque propter ἀκρασίαν in forbillando potum Theæ Coffeæ, quin & disperditionem ac dissipationem oeconomix, hoc ærum-
noso ac doloso terminante seculo, lu-
ce

ce meridiana clarius est in *Belgio nostro*:
dein

Noxa pol innumeris mox venit illa Viris.

Aer crassus, turbidus, paludosus, spiracula cutis perquam occludens, Machinamque nostram pneumaticam, motu reddens segnem, torpidam, Microcosmi cataclysmo, facem non turbulentur addit, quin & temporis anomalia repentina, frigusque brumale.

Vitam cæteroquin ducentes maritimam, atque ex Indiis Orientalibus in *Hollandiam* revertentes *Benedictam*, carceribusque nuper subterraneis *Belgæ nostri*, (itineribus maritinis deditissimi, quique ab ephoebis primis cum lacte materno, ipsis quasi instillata sunt: præ nationibus cæteris,) Dunkercæ, Dieppæ, Brestæ, St. Malo. Marsiliæ, Tolusæ, inclusi, penes *Crudelissimos Gallos*, flagrante Bello, prolixè mihi recensuerunt lachrymantes, vitamque non pauci, reduces in Patriam dulcem, cum morte commuta-

C 3

runt,

runt, è victu facili ac abominando:

Vel mors, vel morbus, vel tristis, Vulnere, Vultus,
- - - Quodque sequuntur iter.

Sanitatis pars potissima, haurire
 purum Spiritum, non turbidum.
 Astrologi, quando in alicujus genesi,
 Luna, mater humorum, dominium,
 exercet, illum Hydropi obnoxium
 esse, circa Novilunium se pejus habe-
 re, atque circa Plenilunium obire,
 ὁμοθυμαδὸν dictitant:

Astra movent auram, movet aura, salumque, solumq.
His Homines vivunt, planta tenella simul.

Cibus, ferax est morbi utricularis,
 peccans Qualitate, frigidus nimis &
 humidus. Quantitate, propter Escu-
 lentorum frigidorum, fructuumque
 ὁπώραν facile putrescentium, multitu-
 dinem ingestam. Substantia, cibi
 δόσπαστοι, ῥεκόχμοι, quatenus fuscitabu-
 lum subministrant, ζύμασι καὶ πνευμάσι
 legitimam impediunt. Potest fruga-
 litas producere senectam:

Fac

*Fac genio metas, ut sis tibi longior ætas.
Non facit ad multam crapula multa diem.*

Tempore inordinato assumti cibi,
hodie hora undecima, cras hora secun-
da, nulla plane Sanitatis expectanda
securitas, abunde *Aulica* attestatur *Vita*,
quæ splendida sæpicule miseria, cum
aceto rectificato: Experto crede Ru-
perto.

*Aulica qui tractant se se favoribus ornant.
Aurea ne credas, quæcunque nitescere cernis.*

Imo *Fortuna*, ut *Luna*:

*Lusus Fortune variatur imagine Luna,
Crescit, decrescit, certo consistere nescit.*

Aphoristice:

Fluxa ministerium res est Heröis in horas.

Ergo

*Est melius placitis cum Libertate carere,
Quam gravibus curis, atque timore coqui.*

Utendi insuper modo, alimonia

priori & multiformi minus delectis concocta, Vitium tunc in prima perpetratum concoctione, non facile in secunda, neque in tertia emendatur:

*Vides ut pallidus omnis
Coena assurgat dubia, quin corpus onustum
Hesternis vitiis animum quoque pręgravat una,
Atque affigit humo divina particulam aurę.*

Ex ore *Altissimi*, Protoplastis nostris in Paradiso reluctantibus, vetitus Arboris fructus, hujusque esus, nonne difficilis adhuc concoctionis? Nonne ineffabilis tribulationis? Siquidem in hoc domicilio lugubri, crudelitatem Posteritati ferę reliquit indigestam, mortiferam, hæreditatemque luctuosissimam, quapropter quod oritur, moritur:

*Asspice Mortalis fugientia secula vitę,
Quam fragile est! quodcunque sumus, dum vivimus inter.*

[Mille modos lethique vices versabimur Omnes.

Potus quoque eadem est ratio & circa

circa eundem, circa cibum memorata, veniunt considerata. Ingurgitationem crebram, largam & avidam ante cibum, aut post motum validum, vel post Balneum, five Vini, five Cerevisiæ, five Aquæ frigidæ, fecundam Affectus Lymphatici existere matrem, extra omnem dubitationis aleam est positum. Nec decolor, sorsque καπνόφιλος, cui Lingua arida, guttur squalidum, Sitis Tantalea, immunis.

*Discite, quam parvo liceat producere vitam,
Et quantum natura petat, non erigit Ægros
Nobilis ignoto diffusus Consule Bacchus.*

Affiduiissime imitemur Callisthenem, qui, cum in Convivio Alexandri Magni ingens circumferretur patera, illam aspellendo respondit: *Nolo bibere ut Æsculapio indigeam.* Utinam nostra memoria, apud alios etiam observaretur Populos.

Motus intra mediocritatis limites servatus, conservat sanitatem; ex ad-

verso, immoderatus, hanc atterit & profligat, inprimis post cibum assumptum institutus; ob labefactatam atque everfam πέψιν, jacturam haud levem facit & Sanguini & Viribus:

Et vitium capiunt, nī moveantur aquæ.

Quies diuturnior ac exercitiorum intermissio assueta, ἐκλεθλασμένον effoeminatum & infirmum, reddunt corpus, atque extravasatam ἐξαπίνης illuviem nullatenus exhauriunt ac exinaniant:

Incidit in Scyllam cupiens vitare Charybdin.

Somnus naturalem excedens ordinem, mirificæ Microcosmi Constructioni, imprimit segnitiam, hebetationem, Viriumque dispendium, alias

*Somme quies rerum, placidissime somne Deorum,
Pax animi, quem cura fugit, qui corpora duris
Fessa ministeriis mulces reparasque labori.*

Vir-

Vigiliæ enervant nimix , cruditates generant :

Attenuant Juvenum vigilata Corpora noctes.

Sanguinis Circulum , magno quasi igne exæstuant , illi acrimoniam , crassitiem inurunt , sicque Hydropisin novem vel decem dierum intervallo , quandoque accelerant , propter celerem tubulorum Lymphaticorum *διαρρῆν* , potissimum apud Illos , vitam transigentes Sardanapalicam , *i ad Corinth. 15: vs 32.* Manducemus & bibamus , cras enim morimur.

Vivit revera *Dominus Deus* noster ! Ecce vigilabo super eos in malum & non in bonum , & confumentur omnes penitus gladio & fame. Ferre enim ultra non potuit dominus propter malitiam studiorum vestrorum ; propter abominationes quas faciebatis ; facta igitur est terra vestra vasta , desolata & execrabilis , evolvatur *Propheta Jeremias Cap. xlv.* Et *i ad Corinth. xv: vs xxxiv.* Expergiscimini Justi & ne

& ne peccetis , nam ignorationem *Dei* nonnulli habent , ad pudorem Vobis loquor ;

*Ambitiosus honos , & opes & foeda voluptas :
Hæc tria pro Trino Numine mundus habet.*

Animi pathemata , Moerores , curæ , Altercationes , Fletus , modum si excedant , fomitem gravi nostro supeditant morbo , ob notabilem Circumgyrationis ἀγέλιαν , *Discursus meus de ania* , affatim confirmat. Ratio quapropter huic malo , verbis potius modificatis moderabitur , quam Pharmacon.

Curas tolle graves , irasci corde prophanum.

Excreta , tragicum efficere exitum valent , utpote enormes sunt Narium hæmorrhagiæ , immoderatus Mensium , Lochiorum , Hæmorrhoidum fluxus. Dysenteria. Lienteria. Venæsectiones crebræ , ut *Hagæ Comitum* ante lustra quatuor , in Viro observavi Primario ,
fexa-

sexaginta sex annorum , cui centies &
ultra , absque necessitate magna , Ve-
na fuit secta: proin

*Discite Doctores pretioso parcere succo ,
Tam vitæ fons est , quam necis autor idem.*

Veneris Exercitium intempestivum
& illegitimum :

- - - - *Natis Venus alma creandis
Serviat: Hos fines transiluisse nocet.*

Ecquem mortalium non fugit , Oe-
conomiam animalemi mirum in modum
perturbari , debilitari , Sanguine priva-
ri , vasa collabi cuncta , membra reddi
inertissima , faciemque maxime palli-
dam atque cadaverosam :

*Cernite nunc Juvenes ! qui mox coepistis amare ,
Quot gemitus præstet , quot mala , coecus amor ?
Exitus ast ille est seniorum & finis amantum :
Quod amor ante diem mittat in Elysium.*

Vel juxta Horatium.

*Desine Matronas sectarier , inde laboris
Plus haurire , mali est quam ex re decerpere fructum.*

Retenta

Retenta præter consuetudinem, admirabili Fabricæ humanæ, haud leve affricant ac inferunt incommodum, pernicioſa ἐμφράζει. Juvenes Viduæ, atque Virgines tempeſtivæ & maturæ Viris, Menſiumque ſuppreſſione conflictatæ, propemodum toto teſtantur die.

Hadrianus Imperator, Mæcenæ Li-
teratorum, non Adulatorum Summus,
(ut hoc ævo, *Invictiſſimus Imperator*
LEOPOLDUS!) ex Hæmorrhoidum re-
tentione diuturna, Hydropicus fuit
factus animamque efflavit; at tumbæ
tamen ſuæ inſcribi juſſit. *Multorum me-
dicorum ingreſſus me perdidit.* Forſitan
ob tot miſeras Medicorum bliteorum
concertationes, perverſasque Morbo-
rum curationes: Adhuc imperitiſſimi
intempeſtive, Peritiſſimis Medicis
habitum contradicendi induunt ac ex-
ercent, *Templi Pacis* apud priſcos Ro-
manos obliti penitus, in quo placide
conſilia de Ægrorum ſalute ceu ſupre-
ma Lege contulerant, ingenioſe qui-
dam

Nun-

*Nunquam crede mihi à morbo curabitur Æger;
Si multis Medicis creditur una febris.*

Verum enim vero, ex Binorum vel Trium Medicorum Exercitatorum congressu ac judicio, veritas elucescit major, quando concordant, Ægri, Medicis fiunt obedientiores, nec his tam facile eventus mortalitatis imputari potest. Plus oculi semper vident quam oculus, Morbusque perse magnus non parvi faciendus, nec parvus magni. Ne consultes tamen cum eo, cui suspectus es, nec invidentibus tibi consilium aperias. *Syracid. 37.*

Alexander Magnus infamia notandus, injuste suffigens cruci Glaucum Medicum, Hephæstione mortuo, è gallo gallinaceo adesto, ingentique epoto cratere Vini frigefacti, contra Medici præscriptum, cuilibet enim in arte sua Experto credendum. Medicus tandem manet Imperator corporis, valetudine iniqua conflictati, ergo *Imperatoris, Regis, Electoris, Ducis, Principis, Comitis, Baronis, Nobilis &c.* Regia

*Regia, crede mihi, res est succurrere morbis.
Venit post multos una serena dies.*

Retenta esse Venena, quondam Sapiens Elector S. R. J. Carolus Ludovicus dixerat, experientia edoctus propria, magnificat semper Medicos: Revera Medicus, quanto, apud Magnates salutari consilio, ac auxilio promptior & apertior, tanto magis, favore, honore & congiaria extolletur, imo humile Medici tectum sæpenu-mero fit magnificum ac Nobilitate inscripti decoratur; sed

*Si sapias, affectes mediocria: summa periculis
Obvia: Contemptum sordida vita parit.*

Aliàs in propatulo, Nobiles haud facere atrium fumosis imaginibus plenum, sed Virtutes.

Frustra jactamus nostram, quam à Majoribus accepimus Nobilitatem, siquidem mox eandem, ignava involvit obscuritas. Absque Virtute & morum benignitate & humanitate, Nobilitas, nihil est omnino.

In

In Ægypto, olim in domorum vestibulis, alas Vulturum proponere & affigere, indicium Nobilitatis & vetustatis erat. *Ciceroni*, cum generis ignobilitas objiceretur: Satius est, inquit, meis florere Gestis, quam Majorum opinione uti, & ita vivere, ut Posteris meis sim Nobilitatis initium, Virtutisque exemplum.

Enim vero, Virtus & Doctrina nisi stipata sit Opibus; Genere gratiaque Summatum, spreta hodie jacet & neglecta, scienter Poëta:

En seculo premimur gravi, quo scelera regnant.
 ὡς ἐν παρόδῳ.

Res præternaturam antegressæ, *ἐναυσιμα* adportant, huncque excitare queunt. Videlicet Causus. Asthma. Icterus. Scirrhus. Quartana. Dysenteria. Podagra. Vulnera. Ulcera. Phthisis. Eapropter talis Hydrops, post morbum contumacem exortus, plerumque periculosus ac interfecti-

D

VUS,

vus, ob naturam nunc convulsam, fractam, atque vires omnino prostratas, experientia, Veritatis meridies, clare docet.

CAPUT QUARTUM.

De Differentiis.

D*ifferentiæ* sedulo perpendendæ, Axioma immotum & immutabile in Scholis Philosophorum existit: Qui bene distinguit, bene solvit, bene docet & bene curat. Hoc invitatus & ego, triplicem hic Inundationis Microcosmicæ profero distinctionem.

Generis ratione, quod ipsam Hydropis essentiam concernit, sufficienter enumeravi: Respectu magnitudinis, Hydrops alius est intensus, alius medio-

mediocris. Generationis, alius lento incedit pede, alius αἰθρῶς irruit. Durationis, alius inveteratus, consummatus & habituatus, Alius recens, incipiens, mitis & minus terrificus. Alius est simplex, alius complicatus, cum Mensium suppressione, cum cordis palpitatione, cum asthma, cum quartana, cum ictero, cum febre lenta, cum paralyfi, cum intolerabili dolore in ipso femore, cum scorbuto; Frequentes cadaverum cum hic, tum alibi, dissectiones, quibus à triginta sex annis & quod excurrit, curiosus inspector, naturæque indagator libenter interesse volui, haud inconsiderate me informarunt, interdum non accersitus, ex *Anatomicorum* malignitate & livore:

*Invidus alterius rebus macrescit opimis,
Invidia Siculi non invenere Tyranni
Majus tormentum.*

Subjecti ratione, Hydrops alius est universalis, totam corporis texturam,

insidiosa replens Lympha , alius particularis , solam abdominis capacitatem. Alius per *πρωτοπαθειαν* , nullo alio præcedente morbo , alius per *δευτεροπαθειαν* , prægressis aliis succedens : Alius per *μετέπλωσιν* à quiete morbi prioris productus. Alius per *ἐπιγένεσιν* , nullum plane morbo primigenio adferens levamen , nimirum Hydrops quartanæ nondum sanatæ.

Causæ efficientis ratione , tot & tantæ , quantæ in aprico sunt , atque à me leviter perstrictæ , singula enim hic recensere transilio , propter brevissimam temporis intercapedinem.

*Cum doctis versare lubens , nam discere multa
Sic poteris , nec non avide , quæcunque loquuntur ,
Ausculata , atque roga interdum , tunc coetera Divis
Commixte , ac patiare animo tua fata sereno.*

CAPUT QUINTUM.

De Signis Diagnosticis.

ORdinis nunc efflagitat ratio, ut brevibus *Signa* percurram *Diagnostica*, quamvis in principio sint cognitu difficilia; *Exacta* horum cognitio, *Perspiciaci Sanitatis Custodi*, summe salutaris, Et felicissimæ *Curationis* fundamentum est infallibile.

Quod fraudulentos *Agyrtas*, *Sympatheticos* atque temerarios latet *Rasores*, audacter *Ægris* lecto affixis, propinantes, quid pro quo, apium pro opio, coccum pro croco, sic impune occidunt & cladem accipiunt:

ô Peoceres! censore opus est & aruspice bardis.

Væ sceleratæ Illorum audaciæ! Væ

horrendi facinoris! exclamo. Confilia quoque Medicorum, qui parum eruditi sunt, fatisque seduli officiose occidunt multos, cane pejus & angue devita. Morbi, non rauca memoratorum curantur garrulitate; sed prudenti remediorum applicatione. Histrionum ac Stentorum est, parvam attollere rem, quo plus præstitisse videantur. Prisci ævi proverbium de Histrione fuit. Video barbam, pallium, & verba audio, *Medicum non video*, Cui si confestim pretiosam detrahas vestem & annulum, idem accidet, quod Cumano Leoni, qui pelle nudatus sua, apparuit Asmus cum puncto, ac Censor ineptus:

Carpit uti doctam Philomelam deses Asellus,

Sic tu discursus Luride Aselle meos.

Ter carpis, cuculum laudas ô plumbee Aselle

Luci, Asini merdam decoque proinde Tibi.

Publicæ salutis vigilantissimus
Custos, conscientiam suæ conditio-
nis habens bonam, talentum sibi à

Deo

Deo concreditum , subque terra defos-
sum non abscondat , verum publico
concedat bono , Monetarium imitetur
verum , monetam non falsam cuden-
tem & proferentem : Paroemiam de-
clinat tritam , Sicut figulus figulo ,
mendicus mendico , ita Medicus Me-
dico invidet , venuste *Theogenes* de
Philosophis.

*Mista atque interpres Musarum haud invidus esto ,
Eximium si quid noverit in sophia.
Verum alia inquirens , alia explicet ; atque alia edat ,
Quid profit , solus omnia si teneat ?*

Apagē sive Doctores illos ; qui
turpissimi lucri causa , ut majus extor-
queant præmium , morbos prolonga-
re , momentum illud occasionis curan-
di & alia , quæ maxime ex usu , tur-
piter negligere , atque ita curationum
tempus protrahere solent , nimirum
Languentes , qui diebus paucissimis ,
vel etiam horis sanari possent , in lon-
gum protrahunt tempus , ut Ægros
diu in reditu haberent , sæpe severio-

res ipsis existere morbis, altercando inter se *Mulierum Schevelingarum* ritu, magno cum strepitu & vociferatione, manifesto comperi, *Deus* meliora nobis, erroremque hostibus illum. Ars prima ut Regni, ita & Praxeos est, posse invidiam; pati scireque foro uti.

*Dico pro certo, quod si cum stercore certo,
Vincō vel vincor, semper ego maculor.*

Sacra interim res cum sit Medicina, Medicinæ Sacraria non omnibus ac singulis, nisi Veris & Prudentibus morborum Vindicibus ac Vitæ Moderatoribus pateant; ut antiquitus in Ægypto, tantum Regibus, Sacerdotibus & Magnatibus; Boeoticis vero claudenda hodie discipulis, Vefanis ac ampullaceis Empiricis, atque illis ex infima plebis fæce, cum circulatoriis jactationibus, divulgatisque schedulis ac relationibus. Nunquam vulgari in Lingua edantur Scripta, ut ætate nostra pessimus passim increbuit mos, cum Artis servandorum Homi-
num

num ignominiosa exprobratione, profanatione, prostitutione, subfannatione. Profecto efficaciam suffurantur, fenestram ad omnem aperiunt deceptionem, nequitiam, atque omnis generis latrocinia ac injurias exercendas. At veritas odium parit.

Non fucata, sed est simplex oratio Veri.

Medici tales digni poena, cum eorundem pace, qua quondam Hipparchus, non Harpocrates Stentore clamofior, arcana revelans Pythagoræ, è Schola subito fuit ejectus, columna dein erecta, ceu silentii signum, mutam vocat artem *Virgilius*:

*Sæpe potestates herbarum usumque medendi
Maluit & mutas agitare inglorius artes.*

Artis veronostre mysteriis initiatis, secreta omnino esse detegenda & sub incudem typographicam revocanda in *Lingua Eruditorum incorrupta*, Salutis publicæ causa, asseveranter defendo,

D 5 pristi-

pristinus tunc Medicinæ splendor non amittitur, quemadmodum laudabili præeunt Exemplo, *Ephemerides A. N. C. in Germaniâ*, pleno ore laudandæ & gloria extollendæ.

*Scire volunt omnes, studiis incumbere pauci.
Non venit ex molli vivida fama toro.*

Prudentia porro practica, fundamenta præsupponit solida, singularesque animi ac corporis dotes, idcirco à Pictoribus olim Syriis Apollo barbatus cum annexo serpente fuit depictus, quo innuere voluerunt, Medicum ætate reddi & prudentiorem & peritiorrem, nihilque in ægris arroganter, temere & sine mente tentandum esse, nisi quod in salutem & emolumentum vergeret. Perinde ac Gubernator navis, in iis, quos vehit. Ægros sanare omnes, impossibile est, si quid tale liceret Medicis, *Dei* sane anteirent potentiam & non essent mortales. *Actor. 14: vs 15. quocirca.*

Fata

*Fata manent Omnes , Omnes expectat avarus
Portitor , & turba vix satis una ratis.
Tendimus huc omnes , metam properamus ad unam ,
Omnia sub leges Mors vocat atra suas.*

Sed quo obsecro , *Benefice & Benigne*
Lector? benignitate tua sum abusus ,
atque extra chorum saltavi , manifesto
igitur delicto meo ignoscas.

Signa incipientis Hydropis Patho-
gnomonica, asperis sentibus sunt obsita,
plano non decurrentia calle: Idem huic
evenit, quod nascentibus Herbis.

Præsentis, in Vulgus miserabile no-
ta, cur non actutum solerti Medico?

Generis ratione, essentialiter inhæ-
rentia adfunt. Abdominis intumescen-
tia, cum gravitatis sensu nonnunquam
cum, nonnunquam sine dolore.

Partium superiorum gracilitas &
flacciditas, videlicet Manuum, Bra-
chiorum, à succi nutrititii depravata
constitutione, hinc haud inconcinne
cum Fisco comparatur Regio, quo
ditescente & crescente, Subditorum
bona decrescunt.

Fluctua-

Fluctuatio, quando Hydropicus de uno latere in alterum se circumvolvit in lecto, fluctuantis ac agitatæ aquæ sonus, utris instar, liquore aliquo semipleni, agitati & resonantis percipitur, ob Lacunæ perniciosæ profluentiam atque extravasationem, adeo, ut intestina murmurent, inque aqua veluti natent ac fluctuent, tunc vociferantur libere cum *Propheta Esaia xxvi.*

Ô Domine in angustiis requisiverunte, in tribulatione murmuris, doctrina tua eis. Fiat voluntas tua, in me, circa me, de me, & per me.

*Sum tuus in vita, tua sunt mea funera Christe;
Christe tibi vivam, Christe tibi moriar.*

Sed ultimis hisce depravatis temporibus, proh dolor, plures *Christum* postponunt *Chryso* seu auro, luceat illis ita, ne lugeant in æternum.

Symptomata turmatim ingruentia, in diesque ingravescentia, præsentiam confirmant, siquidem Microcosmi diluvium sequuntur, ut umbra Corpus.
Sitis

Sitis Tantalea , clamōsa , seu inextinguibilis , à denegata particularum humido heterogenearum ad partes corporis permeatione , percolatione , permolesta simul glandularum , ductuumve salivalium oppilatione , potu quandoque vix sedatur , verum exasperatur , juxta tritum :

*Quibus intumuit suffusa venter ab unda ,
Quo plus sunt potæ plus sitiuntur aquæ.*

Appetitus prostratus exoritur , ab obtuso ventriculi atque Zymomatis vigore , læsa dein resultat chylicatio , & post pastum insipidum , animi anxietas , febris exacerbatio , faciei distensio & pallor , à nociva vasorum capillarum obturatione.

Corporis quoque totius adest languor , incessus sanguinis ἐντελεχία , hinc ἀφ'όδυνου amurcarium , malorum mare , stirps igitur quæstionis : Qualis motus , talis sanguis , qualis sanguis , talis calor , qualis calor , talis sanitas & vita : aliàs , ut vita , mors ita. Non
vive-

vivere , sed ~~valere~~ valere, vita est , non sit mortale quod optes , sed æternitatem cogites jugiter, *Deum*, & proximum colas , mundum spernas , sic tibi prospera evenient cuncta. *Actor.* 17. Dominus providebit , qui credit, videbit:

*Manant à solo commoda cuncta Deo :
Fidentem nescit deseruisse Deus.*

Difficultas spirandi ; propter accumulatam in abdomine lympham glutinosam & lancinantem , diaphragma pondere suo aggravantem , pulmonibus liberum aëris transitum præcludentem, ac κυκλοφορίαν notabiliter perturbantem.

Tussis sicca , contumax , vellecans , concitans atque suffocationem minans , tempore inprimis nocturno ; unde Hydropici decussatim decumbentes , in luctuosa crebro hæc erumpunt verba :

Mî *Deus* miserere mei ! scatebra enim squalida , cor meum suffocatur , nullum ne arte in jatrice , pro me re-
con-

convalescentiæ perfugium & præsidium?

Raucedo nonnunquam terribilis, in prima hydropis invasione, à me, in *Beato Domino meo Parente, Adamo Euth. Pr. P. Hasso-Darmstadin.* ante triginta tres annos annotata. Nec non in Generoso nuper Barone Joanne de G. misso Legato cum auctoritate ad *Pacem Kysswicensem*, ad lares postea suos reverso, novumque iter paucorum dierum aggresso, subito succubuit pieque obiit.

Pulsus in hydropes porro parvus, undosus & mollis cum frequentia quadam.

Urina pauca, subrubra, quoniam Renes haud *νεφροί* constituti, muneris sui sunt obliti, tincturamque ex particulis salinis, sulphureis, tartareis affabre produxerunt.

*Expectant curæque catenatique dolores,
Gaudia non remeant, sed fugitiva volant.*

Signa Hydropis distinctiva ruminanda.

In

In Tympanitide, flatus multitudine peccant, venterque digito percussus; tympani adinstar pulsati resonat, moles ventris minus gravis quam *in Ascite*, tormina semper diuturna circa umbilicum præcedunt. *In Anasarca*, univèrsa corporis circumferentia, à colluvie glutinosa, per carnem & sub carne effusa, æqualiter quasi intumescit, impressi digiti aliquamdiu remanet vestigium, venter inflatur minime, lotia alba ferme & crassa sunt.

à Reliquis denique Ventrìs infimì tumoribus p. n. nempe mesenterii, hepatis, lienis, scirrhoris & strumosis tumoribus, abscessibus, molis, signorum pathognomonicorum, causarumque prægressarum syndrome discernitur.

Lepidam & notatu dignam, hic in memoriam revoco Historiam, quæ contigit *in Thuringia Anno Christi 1673. mense Septembr.* de coqui Vinariensis filia 21. annorum, quæ usuram corporis sui, fugitivo permisit Venatori,
ex

ex impudicis & illicitis amplexibus ,
 gravida fuit facta , graviditatem ut
 astutius Hydropis prætextu celaret ,
 famæque confuleret , fructus come-
 dit horarios , atque multa se ingurgi-
 tavit aqua. Post quinque advocor
 menses , ad scortillum hoc procax ,
 vafrum & fallax , exquisitissime exa-
 minans singula , hydropis & gravidita-
 tis phænomena actutum animadver-
 to , Verum negavit obstinatè , nec ab
 illa extorquere quivi veritatem præ-
 gnationis , nisi vafricie & impostura ,
 promittens illi , me reticiturum quod
 sciam , & effecturum , quo ab Eccle-
 siastica Poenitentia , de quâ composi-
 tissimè scripsit , *Serenissimi Ducis Saxo-
 niæ Isennacensis Dn. Joannis Guilelmi ,
 Domini mei Clementissimi*. Consiliarius
 celebris D. Knorr , Amicus æstiman-
 dus. In Saxonia , Thuringia & Hassia
 usitata adhuc absolveretur.

Ad hanc stipulationem , arrexit
 aures , mihi que fatetu ringenue , gra-
 vidam à quinque jam esse mensibus ,

E

quod,

quod , conditionis meæ conscientia ,
 haud cunctanter pavidis & consterna-
 tis revelo Parentibus , illosque exhor-
 tor sedulo , ne alia , nisi duntaxat mea
 propinarent Pharmaca filiæ , quibus
 id præstiti auspicato , ut non solum ab
 hydrope , in quem se pertraxerat , li-
 beraretur , sed & nono enixa fuerit
 mense , puellum sanum & vegetum.

Forma decens , foedas vendit prurigne nates.

Porro Tabellarius V. L. Hagæ Co-
 mitis Viduus per triennium , ancillæ
 suæ quadraginta duorum ferme anno-
 rum , ante menses novem , expectatio-
 nem decipiebat & fallebat matrimo-
 nialem , ancilla extinguitur dystocia
 & non ascite , ut fama volavit d. 13.
 Octobr. 1699. quoniam altero proti-
 nus die , præsentibus Me , D. D. Loc-
 kermanno , Chirurgis N. Ball. de Ro-
 ver & aliis , cadaver fuit apertum ,
 perquam gravem & tetrum spiravit
 odorem , oppidò Embryonem depre-
 hendimus prægrandem , luridum &
 mor-

mortuum, pedes defunctæ matris ambos oedematofos, nimium distensos ultra quinquennium, haud gravidarum more, culpa ergo lethi in dystocian, haudque hydropisin derivanda, eheu

*Scortari laus est, fasque decusque jacent,
Regnat avaritia, luxuriaque malum.*

Jatros, haud alienos à voluptatum illecebris, flammaque libidinis, Ægro- tantium uxores, filias & ancillas sinistro respicientes oculo, tangentesque illarum venas illicitas, bene novi:

Morborum causas per candida brachia querunt.

Tales in extincta libidine irretiti, famæ, decoris, juramenti-que Hippocratici obliviscuntur, improbi, per- juri sunt ac infoelices:

Foelices animæ, quæis castus contigit ardor.

Castitatem Jatris valde commen- dantes Lacedæmonii, Æsculapium venerati sunt Agnitem, cujus simu- lachrum ex agno fuit casto, arbuscula nempe pudicitix non eripiendæ, sed

fervandæ ac libidini restinguendæ dicata. Quapropter in Galliis & Italia, Philiatrâ laurea Apollinari condecorandis, Zona offertur, Renes cöercendos esse denotans, furiosas, effrenatasque lumborum cupiditates temperandas.

Ohe! momentum, quod delectat, æternum quod cruciat. Scortatores & adulteros judicabit Dominus. Neque scortatores, neque moechi, neque masculorum concubitores, regni *Dei* hæreditatem possidebunt. *Hebr.* 13. *1 Cor.* 1. Et qui ad pròximi uxorem non accesserit, vita vivet *Ezech.* 18.

Caveant sibi quoque Medici singuli, ne sacra nostra abutantur arte, quæ revera Solius *Dei* manus & munus, precibus adducti, vel auro corrupti, pestiferum vel venenosum exhibeant medicamentum, vel modum, illud præparandi, usumque propinandi doceant perditissimos & profligatissimos homines, ut ante annos viginti, præter propter, in Galliis inter Magnates

tes contigit, quorum permulti, toxico fuerunt interemti, esculentis misto opiparis, vel etiam clysmatibus domesticis. Enim vero, Rege Galliarum Ludovico XIV ira ardente, ardentem Lutetiæ Parisiorum constituit Cameram, juxta cujus edictum laudabile, noxii rei que conjurationis nefandæ, abjecta cunctatione, vivi fuerunt combusti sine discrimine ullo.

Claudium Imperatorem, Xenophon medicus veneno interimere fategit è mandato Agrippinæ; taceo Eudemum, Zenocratem & alios homicidas medicos.

Superiori quoque memoria, *Carolus Calvus* Franciæ Regem, veneno sustulit Zecchias Judæus medicus. Medicina, Ars cum semel sit juvandi, non nocendi, nec infensissimis etiam inimicis & improbis, sua misericordia ac opera ipse desit medicus; sed sedulo adjuvet ac exhortetur illos simul, ut *Deum* ardenter implorent, vitam emendent ac resipiscant, à *Deo* enim cura-

mur. *Psalms*. 40. *Psalmo* 145. *Act.*
Apost. 3. & 9. 19. Sic Divinæ potesta-
 ti, & non suæ prudentiæ, curationem
 Æneæ acceptam refert *Japis Medicus*
 apud Virgilium.

*Non hæc humanis opibus, non arte magistra
 Eveniunt, neque Te, Ænea, mea dextera servat.
 Major ait Deus, atque opera ad majora remittit.*

Nec levius, sed æque gravius exi-
 stit scelus, animo deliberato pessum
 obtrudere corruptorium, hoc est, ab-
 igere conceptum, prohibere nasci,
 inducere sterilitatem, ut in aulis Ma-
 ximorum crebro fit PRINCIPUM;
 exempla sunt odiosa, inque recenti
 tamen memoria, per *Φάρμακον* abortife-
 rum, injustæ sic traditur neci, juxta
 Ciceronem, Spes Parentis, memo-
 ria nominis, subsidium generis, hæ-
 res familiæ, designatus Reipublicæ
 civis. Non dissentit. *Syracid.* c. 30.
 v. 5. 6.

Imo piissimus inquit CHRISTIA-
 NUS, vita misere privatur foetus, in
 peccato

peccato conceptus originali, postque partum adhuc vivens, secundum *Dei* misericordiam salvus faciendus, per lavacrum regenerationis ac renovationis Spiritus sancti: quem effudit in nos opulenter, per IESUM CHRISTUM, Salvatorem nostrum: ut justificati ipsius gratia, Hæredes efficeremur, juxta spem vitæ æternæ. *ad Tit. 3. v. 5, 6, 7.*

Heu quantum est summo posse placere Deo.

Nonnunquam accidit, ut fœminæ emissariæ, versipelles & impudentes, vulgo Lenæ, à Medicis, pro absentibus ægris, sub gravium ægritudinum nomine, *δρασιναὶ* avidè expetant remedia, quàm & emmenagoga ut plurimum, quibus scelestissime abutuntur, eapropter Medici sint circumspecti, segnes ad credendum & præscribendum, ne scelere nefario, conscientiam & artem sacram contaminent nostram, atque à gravi poena, ignominia, infamia, sic intacti ac integri maneant:

Pro ficariis alioquin veris , habendos esse reos , ac capitali puniendos supplicio , Sacræ literæ , Canones & Leges , fatis superque inculcant.

*Usque adeo invisæ est probitas odiosaque virtus ,
Tempore namque isto vitio datur esse pudicum ,
Est scelus esse pium , sæculi hæc est gloria nostri.*

De coetero , *Hydropis* novisse speciem non sufficit , sed specificum ejus gradum , qui merito vocatur magnitudo & vehementia , quo Prædictio & curatio eò commodius institui queat. Tempora hydræ Lerneæ simul attendenda , principium ut cognitu difficile , ita facile augmentum & status.

Principium sæpissime delitescit in tenebris , & lento generatur gradu , sub dispositionis asthmaticæ vel hypochondriacæ nomine , idcirco ex insidiis insulturus noster Morbus mature prævidendus ac extirpandus , ne altas & firmas agat radices in locis affectis , qui rite discernendi sunt.

Quæ sint , quæ fuerint , quæ mox ventura notentur.

CAPUT SEXTUM.

De Signis Prognosticis.

QUod Tullius quondam, Romanis bellum dissuadens, dictavit. Omnis belli eventum esse anticipem: Illud pariter & ego, *ἐν πᾶσι παύσειν ἡγὰρ τὸ.*

Alioquin arte in medica, nihil admirabilius, nihil gloriosius, quam intelligere, haruspicinam auspicatus est Medicus, & factum ita. Aestimatur tunc pro omnium Medicorum spectatissimo, prudentissimo & optimo, neque vetustate contrito excipietur diæterio illo:

à Sex Medicis, quam à scabino unico, damnari mortique addici præstat. Medicinæ artium omnium facile Princeps, nam Principibus imperat

Maximis, quot & quantis exposita sit calumniis, non semel malitiôsæ & mendacis infamiæ pungentem, multis ab annis, expertus sum aculeum, tam perditè me in exordio Praxeos meæ fauciantem, ut difficultate percussus, doloreque percussus, immutandi studiorum meorum rationem, vice plus simplici in animum induxerim meum, donec tandem ex justa & speciosa causa, propter fidem meam cognitam & spectatam, post *Deum*, prudenti simplicitate armatus, *Matth. 10.* ad sacram anchoram, nempe illæsam meam conscientiam *Actor. 24. v. 16.* confugerim:

Conscia mens recti, fama mendacia ridet.

Sic annexa quoque patientiâ, cuncta vici adversa, non colluctando, sed sufferendo, non murmurando, sed gratias agendo. Boni aliâs Medici, cum bonis Principibus, hoc habent commune. Lætari, bene facere & male audire. è Specula quasi prævidens, quod

quod Medici in præfagiendo nimis faciles, semper ægris & adstantibus derisui ac contemptui fiant, commissique erroris in curatione infimulentur, auctoritatem fartam, tectam, cum ὀργασμῶν amittant, haud memoranda illorum testantur ausa, Eja!

*Qui ne tuberibus propriis offendat Amicum
Postulat, ignoscat verrucis illius: Æquum est,
Peccatis veniam poscentem reddere rursus.*

Signa Prognostica inundationis Microcosmicæ, è Nosodochiis potius, quam è libris in museis addiscantur, à medicis nempe qui praxi multa, experientiæ & sapientiæ filii facti sunt.

• *Salutis & mortis.* Ascites per se & sua natura, periculo haud vacat, quia curatu difficilis, eoque difficilior, quo magis radicans & inveteratus, ob vires omnimode profligatas, hinc morbus immedicabilis necessario interimens, adsunt.

Pulsus languidus, remissus, cordis quod vitæ fulcrum, denotat ἀρρώστιαν.

Inappe-

Inappetentia ciborum omnium, certe levem recuperandæ valetudinis spem præbet. Vivendo quasi moriuntur Ascitici moriendoque vivunt.

Sitis incompefcibilis, lymphæ exasperationem, moeandrorum ac viscerum *νεκροπραγία* designat. Ascitesque morbo acuto, feбри, vel pleuritidi superveniens, vel etiam chronico, podagræ, scirrho, mortale semper exhibet præsagium, propter vires jam attritas, everfas, atque *τέννωρτιν* frustra- tam, siquidem ascites, ut lippis tonsoribusque patet, pharmaca requirit stegnotica & alia, citatis morbis è diametro contraria.

Tussis, catarrhus suffocativus, suppressio urinæ totalis, lypothymia, frequens rheuma, vigiliæ, passio colica, semper inducunt mortem, sicque terminum suum absolvit noster truculentus ac chronicus affectus.

Ad salutem tendit, *μαρνανθείας τῆς νόσου*, marcescente morbo, Viscerumque si adsit *ἀδιαφοροία* ac Virium integritas.

Som-

Somnus bene se habens & non πόνος adferens , bonum est signum.

Oculorum splendor & nitor , pupilla imaginosa.

Odoris vastitas & integritas. Gustus acer.

Auditus solers ac acutus. Dolor in corpore vel in ejus parte nullus , spem oppidò præbent salutarem. Nec non urina multa. Alvi dejectio lubrica solvitur tunc morbus. Sudor ultro citroque elicitus cum euphoria. Color faciei validus , bonam jugiter promittunt spem. Item vesicæ , sua sponte , nulla adhibita vi , in cruribus excitatæ & disruptæ , pristinam sæpicule adportarunt sanitatem ; ad triste vero feretrum , gangræna , abscessus contumaces. Ungues & digiti quando sunt lividi.

Juvenes in ætatis , & virium ἀκμῇ constituti , felicius Senibus languidis , annorum morborumque pondere defatigatis restituuntur.

Sic *Erasmus Roterodamus* Basileæ ,
annum

annum agens septuagesimum, Anno Christi 1536. vitam ex languore lymphatico beate finiit, indefinenter se erexit solatusque fuit, ex *Psalmo* 89. v. 9. Cantabo misericordiam Domini in æternum: sanè, oratio sine malis, est quasi avis sine alis.

Ex solo Domini verbo sapientia vera.

In solo Christi merito fiducia vera.

In solo Coelo vita est & patria vera.

Enimvero

*Omnia vim mortis metuunt: si falce minatur
Fatali, Ars ictum sistere nulla potest.*

CAPUT SEPTIMUM.

De Methodo medendi.

UT contra pelagi æstus, solamen
& tutamen existit Anchora, qua
exper-

expertus utitur Navarchus, sic devotis precibus ac Euporistis fidelibus, sapiens sanitatis custos, quibus dies noctesque invigilet:

Fide Deo, precibusque tuis adjunge laborem.

Altissimus, omnes nostros fluctus ærumnarum ac ægrimoniarum optime novit, eapropter *Ille* implorandus sine intermissione, Sacra ubertim attestatur Scriptura, in succum & sanguinem merito convertenda, tunc Medicinæ Doctor non facile cœcutiet in texto Microcosmi corporeo, vix enarrabili & explicabili, nec invitis, quod ajunt, canibus venabitur, sed præceleri pernecitate, naturam Ægrorum, causam Morborum, gazam Auxiliorum, ad sævum ac infensum hostem debellandum & eliminandum, addiscet infallibiliter *Deuter. 6. Matth. 8.*

*Ni Deus adfuerit, viresque infuderit herbis,
Quid rogo Dictamnus, quid Panacea juvent.*

Absit, Absit Alexander Magnus, semet

met ipsum Jovis nominans filium, sed paulo post corporis ægri sensit vitia, atque didicit ex inflicto vulnere, sanguinem fluere humanum, seque mortalem esse. Ut corpus sine dolore non est, ita animus non sine perturbatione:

Est commune mori, mors nulli parcit honori.

Deum Ter Optimum Maximum, Sibi reservasse tria, in quibus nec vellet nec posset habere parem, pronuntiavit belle & festive: Maximilianus secundus Imperator.

Dominari conscienciis. Scire futura. Ex nihilo aliquid facere. Sic dicit Dominus Esa. 43. v. 16, 17. Qui dedit in mari viam, & in aquis torrentibus semitam. Qui eduxit quadrigam & equum, agmen & robur, simul obdormierunt, nec resurgent, contriti sunt quasi linum & extincti sunt.

Ævo nostro calamitoso, *quidam Potentes*, crudeliter dominantur conscienciis, qua nulla certe intolerabilior tyrannis: Impietatem atque scelera,

lera, pallio Religionis ficto, ad Re-
giones acquirendas, hominesque de-
cipiendos sic se tegunt, *Deo* non sunt
subditi, tutissimum ergo *Deum* imita-
ri & tacere, ἔχει θεὸς ἐκδικῶν ὅμματα. Ty-
ranni confundentur omnes *Esa.* 44.
v. 11. stabunt & pavebunt & confun-
dentur simul,

*Quid memorem infandas cedes, quid facta Tyranni
Effera? Dii capiti ipsius, generique reservent.*

Sed digressioni, à proposito meo sit
venia.

Cardo *δεξιμίας* in Methodo Meden-
di consistit, quæ duplex, universalis
& particularis.

Illa, universalia perpendit theore-
mata, & immotis nititur demonstra-
tionibus, Medicum præclarum, ab
insulso discernit rafore, scenæ servien-
te:

*Hunc tulit ad scenam ventoso Gloria cursu,
Exanimat lentus spectator, sedulus inflat.*

Particularis, ordine ac decenter

F

præ-

præmemorata applicat theoremata, ad res præternaturam, quales sunt, morbus, causa morbi, symptomata, quæ ablationem efflagitant cuncta; At conservationem, Res secundum Naturam, videlicet Sanitas, Causa sanitatis, Actiones. Hic tres expendantur Indicationes.

Curatoria, Asciten haud deferendum, sed auferendum esse, solícite admonet, quamvis sit consummatus & periculofus, satius enim, aliquid agere quam nihil, modo fiat cum ratione & experientia, sine ebrietate summe detestanda, pessime tunc Medicus exsequitur suum munus, pertæsa visitatione, ore suo balbo, atque gravi Vini odore: Sicut Medicus Quintus Romæ Galeni tempore, penes ægrotantem è cephalalgia, qui medicum bona dimisit gratia, inconsiderate se gerentem, irritò abscessit incoepto:

Facit experientia cautos.

Præservatoria, truculenti nostri affectus

fectus causas, quantum quidem possibile, ut & symptomata expellit noxia, dolorem mitigat, inducendo ἀλύπως νόρκωσιν, neutiquam νέκρωσιν, contrarium proh dolor, ignorantia fratribus contigit, idcirco Ciceronis exhortationem in Epistolis passim suis, multi hodiè æmulantur Belgæ, dum scilicet Cicero omnes ac singulos suos allocutus fuit Amicos, & iussit, ut valeant, sanitatemque curent diligenter, evenit tunc, ut abstinerent:

Abstine, & efficies, quod medicina nequit.

Acri simul irruente annona, reique nummariæ difficultate, Sanitatis recuperatores periti, ad Ægros vel parum, vel raro, vel in mortis duntaxat agone versantes, advocentur in consilium:

Firma valent perse, nullumque Machaona queaerunt.

Ad medicam dubius confugit ager opem.

Vitalis Indicatio, Vires respicit prostratas & everfas:

Jam vigor, & quasso languent in corpore vires.

Haud cunctanter tam convenientibus alimentis, quam salutaribus medicamentis, restaurandæ sunt Vires, ut & conservandæ ἐνδείκτως καὶ ἐυχημένως. juxta quantitatem, qualitatem, modum & tempus. Tota, Medici ab ipso medendi actu dependet dignitas & nobilitas, Compositæ mentis est, posse consistere & secum morari.

Fortuna mutante vices mutantur amici.

Sed

*Rebus in adversis, tria sunt mihi fulcra JEHOVÆ,
Cor patrum, os verax, omnipotensque manus.*

Decantatum spectatæque veritatis, in Medicorum praxi, exstat axioma, quod valet, ut nummi, secundum æstimationem, consensum & usum: τὰ ἐναντίας ἐναντίων ἰάματα: διὰ, τὰ ὅμοια σώζονται αἱ δυνάμεις.

Mali nostri sævi & sæpe indomabilis, omnibus quibus fieri potest modis extirpanda ac removenda progenies.

nies. Tyrannum si auferre non licet ,
ferre Sapiientis est : Scutum tibi ma-
gis , quam gladium fume , ἀνίχῃ καὶ ἀπείχῃ.
Ne quid quoque languenti recenseas
pusillanimo semper & suspicioso , at-
que graviolem inconsiderate sic exci-
tes ægritudinem & suspicionem , tar-
dam , sanitatis , Virium , alacritatis ,
lætitiæque reversionem :

*Multa audi , dic pauca , tace abdita , discè minori
Parcere , majori cedere , ferre parem.*

Therapia Hydropis Tutò aggredien-
da , præfidiis generosis , selectis & pro-
batis , ita ἀσφαλῶς pro virium tenuitate,
solers & doctus pugnabit Medicus ,
absque omni liber manebit calumniâ ;
Minime vecors , indoctus , sibi soli sa-
piens , suoque tantum fidens experi-
mento perverso & præpostero , quod
Ægros protinus in conclamatum præ-
cipitat statum , ac iis subitaneum ac-
celerat lethum , crudelis & sanguinari
Hominis officium perpetrat , & ad in-
citas redigitur :

*Sit bonus & doctus Medicus, medicina parabit
Sufficiens lucrum Domino, morbosque fugabit.*

Philautia, audacia, stulta est facilitas, artis ignorantiam, inconstansque denotat judicium, cerebello igitur inscripta sint suo, duo: ut profit, non noceat, à rectitudine recedat nunquam, citra multijugam experientiam, peragat nihil. Ut aqua super lapidem cadens durum, hunc excavat, sic morbi contumaces ac refractarii, ex præmeditata & assidua probatissimorum pharmacorum applicatione, persæpe expugnantur, impetus obtunduntur, ne facile revertantur, tunc erit mihi Magnus Apollo, sed sero sapiunt Phryges. Quæ pacis sunt sectemur, & quæ ædificationis sunt invicem, custodiamus. *Rom. 14. v. 19.*

*Pax belli exacti precium est, preciumque pericli.
A. mundo temni, mundum contemnere disco.*

Agas rem alterius, ut tuam, &
vinces providentia durum, omnes si-
mulac

mulac intendas nervos , quo morigeros & obsequiosos habeas Ægros, quod Medicus obtinebit facile, præsuppositis jam memoratis requisitis, & quando se erga illos, affabilem, breviloquum, humanum, non austerum, sed & gratiosum gratiisque delibutum præbet, hinc Græci χαίρων ἰεργφώνων ἰεργὸν φύλον, id est, gratiarum suaveloquentium sacrum germen, unanimiter nuncu parunt.

Vincuntur molli pectora dura prece.

Gratificetur autem Valetudinariis, non nimia facilitate & austeritate, sed moderata & temperante utilitate, in illis, quæ non magnam adferunt noxam, facileque refarciri queunt: Sint grata, munda, modica, suavia, oculisque jucunda. Austeritas certe, tam sanis quam ægris, difficilem dat accessum, odium, egestatem & molestiam gignit.

*Attamen ille dives vere proprieque vocetur,
Qui valet eloquio, ingenio prudentia & arte*

Humanitas nimia, servilis est submissio, adulationis inductio, lucrique inhiandi maledica suspicio, repudiationem ac contemptum apud ægros excitans. Nec non sermo nimius, est mentis gravitate carentis, peccatque frequenter multiloquus, atque ægris novus existit morbus, hirundoque vaga & garrula.

Succincte, nisi Medicus expertus, ab Ægris æstimetur & admiretur, nunquam illius obtemperabit præceptis, inprimis quando ipsemet deformis aspectu est, ulceribusque scatet, facie magis, quam facetiis ridiculus habetur, vix digno excipietur honore: uti Therfites, Manducus, Diotrephes, cum fociis ac confortibus consilii. Qua propter prisci ævi sculptores & pictores, Apollinem Medicinæ Præfidem, juvenili, eleganti & imberbi facie, spectatoribus ante oculos posuerunt, ad evitandam ignominiosam vulgi exprobrationem ac diffidentiam, hinc tali.

*A Medico decimus cur vix sanabitur ager?
Aut fors, ars, aut mors deficit aut inhibet.*

*Citò , ne procrastinatione molesta
& nocua , languentes excandescant,
occasio curationis anima , turpiter præ-
tereat , morbus serpat latius ac cala-
mitose interimat. μηδὲν ἐκκῆ μηδὲν ὑπερβῆν.*

Quæ celeriter fieri debent, celeriter
absolvere oportet, primario in acutis,
ne natura superata, remedia, naturæ
manus & munera, tarde exhibeantur:
Opportunitas revera caput prosperi
successus, secum enim si fecerit Me-
dicus, verendum, ne quod Plutar-
chus de Nicia commemorat, Eum &
se, & exercitum perdidisse, quod oc-
casionem rerum gerendarum negligere-
ret, Medico similiter se perdidisse
Ægrum, exprobretur.

*Decisum statuit tempus Deus omnibus, ergo
Non à sarcophago liber erat medicus.*

Dilatio in arte medica, maximum
vitæ parit periculum, non sinat se vin-

ci Medicus cordatus & peritus, ut Dux Belli, vel ab Ægrorum ac Adstantium precibus ac importunis verbis, iniquitate temporis, ne Therapiæ retardetur cursus, adque plures abeant Morbidi, his blandiri, fervorum est, *in Periphrasi meâ jatricâ* prolixius deduxi.

Pectoribus mores tot sunt, quot in Orbe figura.

Omnes & singuli Valetudinarii perquam solliciti sunt in restauranda Oeconomia corporis, utinam & hoc præstarent *πάση φυλακῇ* in Oeconomia salutis nostræ perennis *Matth. 22. Deus T. O. M. suam extendit manum per totum diem Esa. 65. & Zephan. 3. loco arrhæ dat nobis, ut maneamus cum Jesu & ille in nobis jugiter Rom. 8. Sanitatis proin auctor Deus, Dei instrumenta, natura, sed utriusque Minister Medicus, & quoniam non semper potest fieri id, quod vis, id velis, quod possis.*

Magna

*Magna quidem merces, decus est, & gloria recte
Principibus studiis posse placere bonis;
Sed tamen est majus Regi parere Supremo,
Præmia dat nullo quæ eripienda modo.*

Fucundè, injucunda namque exterminantur Medicamenta, quæ tormenta, in usum non Galenica tantum, sed & Spagyrica, cum decenti chirotechnia trahantur, suavitate coloris, odoris & saporis prædita, quod sapit & modice fumitur, plerunque conducit, sic solerti custodia & propinatione decrescit morbus, nuper incurabilis, nunc curabilis, ob exactiorem causarum cognitionem, atque præstantissimorum auxiliorum inventionem, repugnante vero natura, cuncta judico irrita, multa tunc mota nocent, quæ si non moverentur, non nocerent, alias in confesso: Morbos nonnullos à sola superari natura, nonnullos à natura & Medico simul, tandem nec à natura, nec à Medico:

Quos natura domat, frustra medicina fatigat.

Plus

Plus semper judicio, quam studio,
Medicina utimur, non ut mortem vi-
temus; sed ut eam integra quasi sani-
tate expectemus, igitur:

Omni credere diem tibi diluxisse supremum.

Felicitas sæpe practica, ab opinio-
ne vulgi, commendatione muliercu-
larum, aliisque mille dependet arti-
bus, quam ab eruditione medici, Vir
bonus ad rem turpem, nulla spe invi-
tabitur, nec de meretricum disputabit
formis; tutius ad *Summum*, quam
in summo, quia huic imum adjacet,
in plano tutissimum:

*Summus ut esse nego; sic ultimus esse recusor;
Sim medius, mediis gratia major inest.*

Studendum indefinenter & ubique,
alias, noscet paucos secura quies, &
dum fata sinunt, vivamus læti, virtu-
temque prosequamur, virtuti nulla
eclipsis, nullum solstitium: Virtus
est, vitium fugere, & sapientia pri-
ma, stultitia caruisse. Bene est, cui
Deus

Deus obtulit parca, quod fatis est, manu, cogitemus æternitatem. Beati pacifici, quoniam filii *Dei* vocabuntur, & nisi *Deus* propitius esset malis hominibus, nusquam forent boni, quamobrem doce nos *Domine* computare dies nostros, corque applicabimus ad sapientiam *Psalms*. 90. v. 13.

*Securus morte est, qui scit se morte renasci,
Mors ea non dici, sed nova vita potest.*

Fucundè Practicus scitus quoque medetur *Ægris*, si medela abs dolore ac insigni instituitur molestia, fugiendo singula pro ingenii modulo, vel animum, vel sensus offendentia, offensio fanorum gravis, ut periculosa, sic periculosior *Ægrorum* offensa. *Cothurnis* sine intermissione fuerunt versatiliores, *Potentes*, *Divites*, quos hodie *inopes*, homines sine honore, sine existimatione, sine censu, potius commiseratione digni, strenuo imitantur;

At à Medicis tamen non derelinquendi

quendi sunt, impudentiæ ac illorum imprudentiæ aliquid condonandum, è charitate proximi, gratis, semper pauperibus faciat Medicinam medicus, cum ob gratitudinis memoriam, tum præsentem existimationem, profecto sanitas beneficio pensari potest nullo, inæstimabile est bonum, hujus asserti veritatem stabilivit *Pyrrhus, Rex Epyrotarum*, cum innumeris suis affeclis:

Pulchra valetudo Regno regalior omni est.

Emis, inquit *Seneca, l. 6. de benef. c. 34.* à Medico rem inæstimabilem, vitam ac valetudinem bonam; à bonarum artium Præceptore, studia liberalia & animi cultum. Itaque his non rei pretium, sed operæ solvitur, quod deserviunt; quod à rebus suis avvocati nobis vacant, mercedem non meriti, sed occupationis suæ ferunt.

Hippocrates autem *lib. de dec. ornat.* indiscriminatim à nemine unquam accepit mercedem, contemtorque auri fuit, atque in amatores invectus vehementer

hementer , graphice elucescit ex *Au-*
sonio:

Obiuli opem cunctis poscentibus artis inemta ,
Officiumque meum cum pietate fuit.

Verum enim vero , si *Abderites*
noster , acri & dura hac annona , *Bel-*
gium incoluisset , in quo haud jacent
pretia rerum , sed valde magna exer-
centur & exiguntur Vestigalia ; Tale
non promulgasset præceptum , mihi
crede B. L. obstinate , quippe *Summa-*
tes in Orbe Viri , mercedem Regnorum,
Principatuum , Provinciæ , Ditio-
num , & Prædiorum pronis animis ,
manibusque accipiunt contractis :
Quidni Vigilantes & fideles Medici ?
qui mox cadunt è mente , ergo

Accipe dum dolet post curam Medicus olet ,
Maximis in morbis Medico promittitur Orbis.

In memoriam hîc reduco , *Impera-*
tores Severum & Antoninum , Prudenti-
bus olim præscripsisse Advocatis , xe-
nia & salaria à Clientibus solvenda ,
mo-

moderno adhuc seculo, laudabili in more; verum nec his, nec Medici constituta acceptant solstra, propter ingratitudinem summam, quæ certe horridus est ventus, fontes facile omnes ac rivulos gratiæ & misericordiæ in improborum Debitorum mentibus exsiccans, talibus, terra nihil pejus creat:

- - - *Aut virtus nomen inane est:*
Aut decus & pretium recte petit experiens Vir.

Ingrati & avari, morbo laborant incurabili, à quo minime liberari queunt, ut illi, qui metalla effodiunt, tantam sæpicule habent difficultatem, diu noctuque miseriam, (ut cum pace cunctorum quæstuario- rum dicam,) ceu Sues in coeno, post funera demum profunt, Improbi sunt homines qui beneficia sciunt sumere, & reddere nesciunt. Annon toto docemur die, ex philargiâ perniciosâ, odiorum pullulare causas, criminum pugnas, fratrum discordias, amicitiarum-

tiarumque dissolutiones ac dissipationes, mille ferme hîc *Hagæ Comitibus* degentes Advocati, Procuratores & Notarii confirmant.

- - - - - *Discordia demens*
Intravit coelos, superosque ad bella cœgit.

Res prosperæ, non nisi magnis constant impedimentis, quorum justus arbiter *Deus* est. Fortunam, ut tunicam concinnam magis proba, quam longam. Infelix fortunæ fidens, Sapiens vincit virtute fortunam, Idiotæ tantum caecæ fortunæ sunt indigi, est causa per accidens, & non manus practica. Experti igitur medici ab hâc, sua in praxi prosperum successum, nec *Ægri* ipsi, sanitatem sibi polliceri queunt, verum ab accurata artis medicæ cognitione, methodo medendi, ac divina benedictione. *Syracid. 38. Psalm. 133. Johan. 4.*

Deserit ille suos nunquam qui cuncta gubernat.

Quæramus primo regnum *Dei*, &
 G justifi-

justitiam ejus, & reliqua omnia adjicientur vobis. Medici aliis inserviando consumuntur, & cum παρρησία inquit. Sine pecunia, res terrestres esse omnes, quasi fornaces sine igne.

*Et prodesse volunt & delectare Coloni;
Egregius Medicus, Mendicus non erit unquam.*

Casus interdum exoriuntur extraordinarii, in quibus *Securitas, Celeritas & Jucunditas*, in Morborum θεωρησία combinari nequeant: utpote chronicis in morbis, Medicinæ custos, non citò, nec in illis, qui ἐμὲν efflagitant, *jucundè*, scopum suum obtinere potest, occurrendum jugiter urgentiori, anteponendaque *Securitas*, & *Celeritati* & *Jucunditati*, ἐπιπλέον mortis imminente periculo:

*Felices frustra nobis promittimus annos,
Semper enim cura, tristitiaque premunt.*

CAPUT OCTAVUM.

De Fonte Pharmaceutico.

TRes ut supra enodavi *Indicationes*,
sic tres hîc enodaturus sum *Fon-*
tes; tribus è Regnis, Vegetabili,
Animali, Minerali, nimirum sunt
Pharmaceuticus, Chirurgicus, Diæteti-
cus.

E Pharmaceutico fluunt Fonte, *Ec-*
coprotica & Digestiva, deperditum
Zymoma, per universam corporis
λεϊτεργίαν dispersum, viscera & vasa ob-
struens, dilatans, debellans, disrum-
pens, providenter præparant, cicurant
adque commodiorem disponunt eva-
cuationem, siquidem *ἰάματα ἡγεμονικὰ*
validiora, obsunt potius, quam pro-
sunt, naturam ad officium rogare præ-
stat, quam cogere, fidam ratione

provoco experientiam.

è Penu Practicorum laboriosorum locuplete, sequentia duntaxat φάρμακα, assiduo & longo ufui meo fuerunt, decenti quantitate, tempore & modo exhibita, videlicet, Mannata Rhabbarbarina, Tartarea; Vitriolata, Martiata, Aloëtica. Aloë tamen sit succotrina purissima cruda, non lota, lotio enim crebra, particulas confumit fugaces, balsamicas, sicque facultatem deobstruendi, alvum blande subducendi, ἐκπύρσιν arcendi, ventriculi imbecillitatem abigendi, remanentibus solum particulis terrestribus, castratis, parum vel nihil efficientibus, Midicamentum aliàs, quo simplicius, eo nobilius, & certius, incerto, composito, novo, usu nondum comprobato.

Processus spagyrici compendiosiores, longe efficaciores sunt operosis & prolixis præparationibus, quæ Medicamentorum indubitatae sunt enervationes & sæpicule deceptiones,
Scep-

Scepticis, Spermologis, Mysanthropis, Ciniflonibus immundis, relinquendæ, quam Practicis solertibus, qui mecum, cubitales quoque flocci faciunt Receptas, seu longas Medicamentorum formulas, quilibet, artis fundamentis rite imbutus, tales proprio Marte, mox in hac, mox in illa forma, pro Hydropicorum intentione, concinnare & construere potest, modo in emolumentum & non detrimentum vergant ac excrescant. Sat citò, si sat bene.

Corpus εὐρὺν reddendum & servandum postea, haud postposito victus Regimine exquisito, quod plus toto revèra præstat Pharmacopolio. Caput etiam felicitis est Sanationis, investigare diligenter, num Hydropicus cathartica, vel mitiora, vel fortiora requirat? Ab his, cum nimis sint calida, notabilem colliquandi, massam sanguineam commovendi, Vi-res profligandi, Virtutem possideant, sua for sum actutum fidelis, ne caput

incidat audax in Scyllam, atque Æger pallidam in mortem, nam quod fieri potest per mitiora, tutiora & pauca, non debet fieri per plura:

Pondus equo tenero decet baudimponere magnum.

Verum enim vero, Hydropici, Athleticam degentes vitam, Milites, Navigantes, agros arantes, mitiora respuunt & aspernantur, his magis læduntur, difficulter atque ægre purgantur, morbificum ἐνάντιον ineluctabile, in Oeconomia permanet animali, & pertinaciter accenditur, quamobrem Medicus, naturæ minister ac corporis Imperator, præsuppositis præsupponendis, nisi vellicans ac inveterata adsit Tussis, cum exulceratione Pulmonum, absque procrastinatione ulla, administret.

Purgantia fortiora, quæ neutiquam obstabunt & officient, si forte fortuna malum perseverat refractarium, quemadmodum uno ictu non cadit quercus, nodoque duro, durus applicandus

dus est cuneus, multo usu cathartica probata, validiora reiterentur, ne morbus recrudescat Ægrique vitam commutent cum morte, haud longo tamen intervallo, per *ἐπίκρασιν, ἀρχομένων τῶν νόσων ἣν ἡ κίνησις δοκεῖ, κίνει.* Exulent hīc Artis jatricæ constructores famosi, vel si mavis, destructores, de catharticis *ὑπερβῶν* conscribillantēs, haud esse boni Viri præsidia, misere à pro-
ra & puppi peribunt:

*Vos ego nunc moneo, felix, quicunque dolore
Alterius discēs, posse carere tuo.*

Subsequentia præparentur lege artis, hydragoga, ex Mechoacanna nigra resinosa, hellebōro nigro, colocynthide, cnico, elaterio, Chrysopo, Soldanella, gratiola. Palato grata & accepta sint præparata chymica, quantum possibile, tunc Clinici gestiunt adhuc Medico gratias persolvere, & non facile repulsam feret, parvique æstimabitur.

Ingenii stimulos subdere fama solet.

Ab Aulicis bene potis pocula hilaritatis , in somnifera , vel morbifera deïn degenerant , quippe de siti depellenda mirandum , quod soli omnium animantium homini , prudentiæ , rationisque capacissimo , sine siti bibere usu venerit , sæpenumero in tempestuosam , microcosmi inundationem ceciderunt , à me ut plurimum formulam Vini Medicati depoposcerunt & expetiverunt :

Per quod quis peccat per idem punitur & ipse.

Clysteres , ex rad. bryon. ir. nostrat. Cort. inter. samb. frangul. fl. acac. sylv. bacc. laur. cum salibus specificis & aliis , sunt pernecessarii , bis in hebdomade injiciendi tepide , non frigide , ubi murmura , bomborygmi , dolores atque scybala percipiuntur.

Suppositoria , ὑπόθεκα , βάλανοι , Græcis nuncupata , Clysterum sæpe vicem sustinere queunt , suppositorium ex alumine

alumine crudo adaptatum , oleoque illitum , alvum inobedientem officii sui admonebit , semperque ad manum sit.

Vomitoria , num conducibilia sint ferra contentionis reciprocatur inter Practicos , quidam his indiscriminatum assensum præbuerunt , profecto ferrum candens non forcipe , sed digito attrectant , pueri sunt centum annorum *Esa.* 65. v. 20. At ego longe dissentio , nisi in hydropis ἀρχῇ , ἀναρροποῖς καὶ εὐσπλάγχνοις , alioquin propter ventriculi ἀρρώσϊαν , musculorum abdominis σπασμωδίαν , vasorum lymphaticorum ἀναισθησίαν , magnam δυσπνοίαν , præcordiorumque angustiam , lympham cum anima evomunt. Mirum & magnum sæpe fecit effectum prima in herba , non alta hydropis radice , ut jam innui cum animadversione excitata , vix effugienda. Tartar. emet. cum sale appropriato. vel. Tinct. emet. rubr. guttatim sumenda. Vomitoriorum è regno vegetabili depromptorum

usus moderno seculo ferme exoluit;
 è Praxi clinica methodus addiscenda,
 & non è cathedra philosophica, cæte-
 roquin Philosophi, optimi essent
 Practici.

Qui levem expetit *ἑμεῖν*, assumat
 Emeticum ventriculo potius pleno,
 quam fortius vacuo, non illico super-
 bibat cerevisiam, aquam tepidam,
 vel Zythogalam, vix tunc commove-
 bit Vomitus, sed toties alvum, quo-
 ties non credi potest, ob salinam
ὑποεῖαν, ascitici difficulter vomunt.

Diuretica, contra insignis Medici
 arbitrium, tempore matutino, ventri-
 culo inani, alvoque depleta, exopta-
 to cum fructu, Hydropicis propino
 meis, nempe colluviam serosam eru-
 ctantem & stagnantem, ad Renes &
 Ureteres, impetuosus ventus in modum
 deducunt, per hos utiliter educunt,
 sicque Massam Sanguineam Circulan-
 tem singulariter mundificant, hac ta-
 men adhibita cautione, ne Diuretica
 Catharticis præmittantur, animose
 tunc

tunc Medici memorati opinio de diureticorum inutilitate, defendi, placideque reconciliari potest.

Diureticorum infistens ufui, alvi constipationem haud cunctanter clysmatibus arceo congruis, ne graviorum symptomatum συνδρομή exoriatur & nascatur, fiatque ὕστερον πρῶτερον.

Diuretica insuper cum Diaphoreticis peculiarem habent analogiam, lymphæ videlicet fecernenda, ut & modo, fecedunt autem loco, gradu, dosi. Diuretica minorem, Diaphoretica majorem efflagitant dosin, ob iter, ad glandulas subcutaneas, tubulos lymphaticos dispersos, longius; brevius ad renes, sed longior hîc esse nolo.

His alias poteram & plures subnectere causas.

Lixivium diureticum è Vino Mossellano purissimo & cinerem eo composito, in debito præbio, cum industria sumtum, mirifice Hydropicos meos juvit: **Quin & Vinum Malvaticum**
juni-

juniperinum. Tinctura mea balsamica correcta. Essentia vincetoxici nitrata.

Non inconsulte, semel, vel bis, de die, regioni Renum, Umbilici & perinæi illinendum ol. scorp. M. tereb. foenic. trifol. odorat. Vel etiam Cataplasm. appropriat. applic. cum Ægrorum suffragio.

Diaphoreticis, lymphæ exitiabilis poros cutis constipans, turbationemque adferens, quotiescunque Vires, Habitus corporis, Ætas, Consuetudo, aliaque permittunt circumstantiæ, salutariter expellenda & exterminanda est, laudabili in sudore vel madore maneant Hydropici, sic calidiores, & vegetiores reddentur, elicitur vero sudor, internis, quæ impellunt, fundunt, in halitum, per manifestam, vel insensibilem διαπνοήν, convertunt, ut sunt Tinct. Bezöart. Eff. Lignor. Sal hermaphr. Ægagropil. Aq. omn. flor. Per imperitiam nihil committat Medicus, sed πείσθησιν *φύλακῃ* ad rationes & experientiæ normam

mam ac formam , dirigat curam , si quid penes Ægros bene faciat , levior plumâ est, sin decens deficit operatio , plumbeas confestim iras gerunt. Recte faciendo tamen neminem timeat, quamvis amaræ sint pilulæ, amariores injuriæ, utraeque deglutendæ, neutrae masticandæ; Amarescente autem mundo , dulcescit Jesus, qui mihi totus datus , inque usus meus expensus est totus. Et si *Deo* meo, in hac miseriarum valle , utilis fuero, laborem non recusabo, sin non, *Dei* fiat voluntas.

Externa sudorifera, cutis spiracula rarefaciendo profluentem adjuvantia, Balnea sunt artificialia liquida , ex aqua dulci calida cum herbis, floribus & radicibus aromaticis , summa cum euphoria , multis ab annis , in Asciticis meis usus, Fomenta , pediluvia, quoque dolorum solatia , atque stuphæ ex asseribus ligneis compactæ , Lue Venerea laborantibus conducunt, corpore bene purgato,
ven-

ventriculo jejuno & sic porro.

Memini me in priscis legere Annalibus, ultimam antiquitatem insensibiliter discutientia magnificisse, Hydropicosque in arena ad solis radios paulisper sepelivisse, vel in acervo tritici, milii, insolasse; sed prætulit tamen fimo exponi bubulo, *Heraclitus Ephesus*, in eo obdormiscens, à canibus dilaniatus atque ita exiit è contemptibus, contemptumque accepit præmium, siquidem Medicinæ Medicorumque contemptor fuit maximus: Non paucos ubivis fordidos suos reliquit affectatores, divitiis unice deditos, juxta atque

Magnates, dare parva pudet, dare magna recusant.

Boni pro parvis etiam sunt grati; Tenaces seu attentiores ad rem, attentissimis audiant animis, Lares mutilos, hiantes, vultures & corvos esse: Citius aquam maris exhaurias *Schevelingæ*, quam avarorum desideria, eisque pueris, magis sunt pueri, quia
jen-

jentaculo suo & potiuncula contenti,
plura non concupiscunt:

*Prodigus in vitio minus est quam prorsus avarus;
Virtutis potius congruit ille modo.*

Arena calente cum facculo apposita, sudorem in corporibus, ægre ad sudorem proclivibus, singulis fere septimanis excito, potumque calidiusculum suadeo Lignorum, ita pori tenentur aperti. Essentiam ambrae gryseæ veræ cum diaphoretico meo Magnatum, Legatis quatuor exhibui missis ad *Pacem Rysswicensem*, demirati sudorem suaveolentem, quibus valde delectati sunt, quos dein curiositatis causa adhuc docui, ut Spiritu Vini Moschato in laconico accenso, corpora per cubicularios, diligenter fumarent, extulerunt eventum.

Et recreant fessos blanda lavacra Viros.

Salutares insuper sunt Thermæ,
MegaSwalbacenses, Wissbadenses,
Emb-

Embsenses , Carolinæ , Aquisgranenses fat notae. Sileo Turcas , thermarum amatores maximos.

Frictiones , Inunctiones , sua non destituuntur laude , nec non hypocausta calefacta , in quibus ad animi usque deliquium sæpicule sudare solent Sueci , Dani , Russi , Prussi , Poloni , Germani , minime Belgæ nostri.

Multiplici & non tortuoso didici experimento , è Chymicis desumpto , sudorem Hydropicorum , magis esse acidum ac concordare cum spiritu nitri ; Podagricorum vero , cum oleo tartari per deliquium , atque magis salinum esse.

Ex lotionē in piscina Siloam , homo coecus recepit visum. *Joan. 9. v. 7.*

Ecquem fugit Probatice Piscina? cognominata Bethesda , seu Beth-saida , multitudinem magnam , Ægrorum , Coecorum , Claudorum , aridorum , expectantium aquæ motum , sanans. *Joan. 5.* cum attentione legatur & memoriæ imprimatur. *Et*

Et videt & librat justa Deus omnia lance.

Si apud *Deum* Triunum deposueris injuriam, ultor erit; si damnum, restitutor; si moerorem, consolator, si dolorem Medicus. Medicina profecto humanæ miseriæ est meditatio. Hodie multis cura est præcipua, ut sapientes videantur medici, quam ut sint, Grandes auctoritatem habentes, fervili occoecant adulatione, & sic fastigium tenent inter Collegas, sed tamen Grandes:

*Sunt homines, humeris quos si quis gestet ad urbem
Ausoniam, domiti quæ capit Orbis erat.
Nî tamen ad portam placide deponat Eosdem,
Gratia præteriti nulla laboris erit.*

Tum demum Ascitici in vado salutis existunt, quando laticis corrupti minera, promte eruta, Sanguinis acrimonia rite oppugnata, Viscera mirum in modum labefactata, diligentissime restaurata, Vasa numerosa rupta lymphatica, σφρόνως à pervigili Medico consolidata & conglutinata sunt. Se-
H lectiora

lectiora indefinenter & jucundiora, longo usu, experientia propria, haud casuali comprobata, magnopere commendo *Corroborantia* & *Stegnotica*, nempe *Electuarium analepticum*. *Species meas Megapolitanas*. *Aquam meam mastichinam spirituosam*. *Elixir stegnoticum Isennacense*. *Pulverem pretiosum Cassellanum*. *Tincturam cardiacam meam pergratam*.

Topica, partibus subinde certis applicanda, minime negligenda sunt, utpote *Balsama*, *Spiritus*, *Olea*, *Lini-menta*, *Emplastra*, *Sacculi*, *Epithemata*, cuncta paratu facilia, silentii peplo, ob *Praxin luculentam*, involvo.

Analepticorum ac stegnoticorum Medicamentorum usui insistentis, non amplius ad *drastica* devenio, in quo plurimi cespitant *Practici*, sic cicatricem obductam refricant, *Circuitum Sanguinis legitimum* perturbant, àque scopo aberrant.

Sitis inexplibilis, *Hydropicis negotium*

gotium facessens, commodissime mitigatur. Succo granatorum, berburum, Ribium. Spiritu salis striato. Sale acetosellæ essentificato gratissimo, nempe hujus scrupulum unum, saccharo perlato, unciam unam addo.

Symptomatibus cæteris turmatim irruentibus, secundum Indicationes suas, expertæ industriæ Medicus cogitato medeatur, salutaribus medendi præsidiiis instructus.

Quod potui, feci, superis sint caetera curæ.

CAPUT NONUM.

De Fonte Chirurgico.

FONS Pharmaceuticus ad morbi nostri atrocitatem debellandam adhibitus incassum, *Chirurgicus* haud cunctanter socius ac confors sit quo

profecto ultimæ antiquitati, nihil fuit antiquius, nihil prius. Decantata & satis terrificæ existit sententia.

Quæ Medicamentis evinci nequeunt, ea ferro atque igne corriguntur:

*Si non morbosos sanant Medicamina, Ferrum
Arripi; sin frustra, Pharmakon ignis erit.
Hæc tria nō possint Agris adferre salutem,
Amphitryoniadis robur inane cadet.*

In fonte Chirurgico primitus sistit *Venæsectio*, verum hanc rejicio ἀπόβας, quoniam homo 1 ad Cor. 3. v. 16, 17. templum Dei est, Spiritusque Dei habitat in eo: Si quis autem templum Dei violaverit, disperdet illum Deus. Templum enim Dei sanctum est, quod estis vos.

Sanguis etiam vitæ thesaurus, inconsiderato elicitur, cumque eo, ipsa non raro anima Genes. 9. v. 4. Levit. 17. v. 11. Deuteron. 12. v. 23. Nullatenus morbi nostri radix, Machinæ vitali atque rotanti encyclopædiæ

diæ molestissima. Sycophantæ rudes, populo credulo, ac delirantibus præcipue mulierculis, verborum fumos vendentes, crumenas auro emungentes & vitam adimentes quotidie, absque ullo discrimine, videlicet in ventriculi cruditate lenteria, dolore colico, cholera, lienis scirrhus, aliisque affinis morbis, Venæsectionem audacter administrant, atque ita tantam ignominie notam sibi met ipsis inurunt, quantam vix, vel omnino non, omnibus Oceani undis eluere valent;

Sed Medici solida eruditione atque multijuga suffulti experientia, in morbis acutis, Microcosmi diluvio *αἰδέως* supervenientibus, mortisque periculum minantibus, uti sunt, syncopes cardiacæ, graves apoplexiæ, impetuosæ stagnationes, vasa distendentes, erodentes, rumpentes: Catarrhus suffocativus, angina, peripneumonia, pleuritis, confestim ad generosum, modo vituperatum confugiunt

ac accurrunt remedium, ceu ad facram aliquam arcem ac anchoram.

In hæmorrhoidum suppressione, hemicrania, ophthalmia pertinaci, impetigine. *Hirudines* valde conducunt, linteo comprehensæ adhibeantur, è manibus nudis facile elabuntur, quandoque nec ad aspersum falem, nec ad cineres, ad guttulas vero aliquot Spiritus Cornu Cervi potius deciderunt, vice plus simplici edoctus.

Pueri incitia & malitia, decem millia verborum aliàs loquentes, (quod quinque duntaxat verbis intelligibilibus. Viri perfecti efficere solent,) hîc magis muti sunt quam pisces, asino ossa dant, cani vero paleas.

Scarificationes magnas & profundas, Veterum non pauci, in partibus instituebant tumidis, nimirum abdomine, cruribus, femoribus, talis, pudendis, & quidem in Hydropis principio, visceribus adhuc fanis, viribus hydropicorum integris, penes Ma-
roccanos

roccanos modernos nondum res fuit defueta, in humanos, barbarosque hos, natura, robore, moribus, uſtiones etiam frequentiffimas, in plerisque morbis, cum candente ferro exercere, qualis vix Chriſtiani exercèrent in ferocibus belluis, & ita fanitatem expectant, fusque deque habent belluarii citati, cantiones, diſcurſusque palpum obtrudentes. Nonne vides hîc mundum ipſum in humanitate redundare, atque infinitas adverſus hominem affectiones cumulare? Ut mihi nuper Spectatiſſimus Conſul Batavus in patriam redux prolixè recenſuit.

Verùm ego cum Neotericis Chriſtianis ſcarificationes quoque mitiores propter leve levamen, gravem metum adfluentis lymphæ, doloris, inflammationis, gangrænæ, cane pejus & angue devito, nec non:

Veficatoria, niſi à natura veſicæ ſint excitatæ, haud tristem ſubminiſtrant præſagitionem, quoniam ſcatebra erodens, ſic ſe exonerat commodè, nec

sanitatis spes tunc concidit omnis:

Alioquin beneficio Vesicatoriorum rite præparatorum, omnes affectus soporosi, dolores, nervorum contractiones, cephalalgia, nodositates & gummata gallica dolorifica, aliquoties reiterata, donec dolores & nodi evanescant, felicissime curantur, in pluribus sum expertus. Dolor tibiæ, nullis plane remediis, ne opiatibus quidem cedens, cessit his, haud spretis simul cinnabarinis. Hæc cum grano salis administrantur, ut & antimonialia, mercurialia, martiata, tartarea, alcalina, volatilia, *ἰεργέσσει* vocare soleo *φάρμακον*, præsupponens semper Eorundem exactam & peculiarem chirotechniam.

*Altera natura est habitus, quam junior artem
Perdiscas, tollet nulla senectæ tibi.*

Fonticulos, nonnulli ad coelum usque extollunt, vel actuali, vel potentiali excitatos cauterio, verum consultius, ab eorundem usu in hydro-
pis

pis ἀκμή abstinerere prorsus, quam ulcera facile cancroſa & incurabilia expectare, phosphorus vitalis partium valde puſillus, & propemodum extinctus, quid ſæpenumero non produxit? Τοῖσιν ὑδροπικοῖσι δὲ γεγόμενα ἔλκεα ἐν τῷ σώματι, ἢ ρεῖδ'ως ὑγιάζεσθαι.

Fonticulos tamen profuiſſe brachiis & cruribus nondum tumidis applicitos, alioquoties in Praxi meâ annotavi, artibus quippe ingenuis adverſum ac inimicum, autoritati tantum ſervire & non veritati.

- - - - - *Vires inſtigat, alitque*
Tempeſtiva quies: major poſt otia virtus.

Setaceum, tumido in ſcroto circumſpecte adhibitum, Serico nempe filo lege artis tranſmiſſo, cujus, cannulæque adaptatæ beneficio lymphæ ſubmoleſta, hydragogis nullis hæctenus cedens, ſumma cum εὐφορίᾳ, iteratis excernitur vicibus & ad arcendam gangrænam peropportune emplaſtrum de ſpermate ranarum càmphoratum, vel

prophylacticum imponitur usitatum. Perforatio hæc periculosa non est, quoniam partes principales à læsione omni sunt immunes, modo in parte fiat decliviore, neutiquam versus penem.

Paracentesis, vetus pariter ac postremum, in diro nostro affectu Chirurgicum est auxilium, non, nisi sex probe pensitatis conditionibus, administretur: 1. Ventre à colluvie serosa nimium gravato, 2. Viribus nondum profligatis. 3. Ægris *ευσπλαγχνοις*. 4. Febre absente. 5. Senecta nunquam rugosa. 6. Nec in agone mortis constituto juvene, corporeque emaciato prædito.

Sic solers Sanitatis Opitulatur; neminem lædit, neminem corrumpit, neminem circumvenit. Is, qui *τῶν σημείων* cognitionem sibi acquisivit, perpensè omnia aggreditur, de iis *καλῶς* judicat, *καὶ τῶν ἐς τὸ ἀγαθὸς κρίτης*.

Quo in loco Operatio celebranda? Exercitatissimi discordant Practici:

In

In umbilico prominente tumefacto, vesicæ ad instar pellucidæ, institui alioquoties, viam natura sibi met ipsi per umbilicum ostendente, quæ optima semper Morborum medicatrix; Umbilico autem retracto & admodum profundo, nulloque tumore conspicuo, quin & in scroto fano, ceu opere periculi plenissimo, destiti omnino. In recordationem hîc redigo, Ægyptios punire supplicio prædatores suos, nempe vivos illos excoriant & miserissime excruciant, cultro umbilicum minime tangunt & lædunt, quo autem dissecto, vasisque umbilicalibus disruptis, mox privantur vitâ.

Campus igitur Martius esto, ἢ πρὸς τὸν ὀμφαλόν, ἢ ὁποῦν κατὰ τὴν λαγύνα, in medio si fieret, linea certe candida à Cartilagine Xiphoide ad ossa usque pubis per medium excurrentem ventrem, pungeretur, cujus è læsione, convulsiones, agyrpnix aliaque gravia excitantur symptomata, perforatos cito interimentia. Prægresso unanimi ægro-
tantis

tantis & Confanguineorum consensu, Archiatrum Coelestem precibus simul fatigent ardentibus, quò omnia in *Dei* gloriam, Ascitici salutem, vergant ac excrescant. Medicus à latere habeat.

Chirurgum manu promptum & artis studiosum, digito spatio prius explorato & invento, illud atramento notet scriptorio, ne conspectum effugiat nostrum.

Dein instrumento perficiat acuto, polito & usitato, ordine & decenter, haud neglecta fistula idonea intromissa, nullam plane noxam vulneris labiis inferente. Abdomen *καὶ ὀλίγον* comprimatur, quò lymphæ effluat corrupta, non confertim tamen, aliàs vitam cum morte commutant, nam, *πεὺν τὸ πολὺ τῇ φύσει πολέμιον*. Turunda in fistulam intrusa, oleo irrigata hæc sit adstringente, emplastro muniatur & deligetur congruo. Deligatio haud removenda, nisi die subsequenti, dum de novo educenda est aqua. Cardiaca interna, administrentur nec non alimenta analep-
tica,

tica, corpori bonum & laudabilem succum suppeditantia, quo vulnus consolidari queat citius, singularique cum dexteritate vires revocentur prostratæ.

Ferreæ sic curæ colophonem impono, acuumque aurearum minimarum puncturam, Indis perquam familiarem, libentibus facile omnibus relinquo.

*Explorant adversa Viros, perque aspera duro,
Nititur ad laudem virtus interrita clivo.*

CAPUT DECIMUM.

De Fonte Diaetetico.

Immenso velitationum pelago trajecto, feliciter velificor in portum, in quo navigare placet, mutata velificatione, quapropter Victus rationem studiose considero, absque qua, prolata

lata hucusque *Βονδὴν ἔχει*, irrita essent cuncta, ex *Syracide* patet abunde.

Fercula multa, multos producere morbos. *Altissimi* enim prohibito, cibi non voluptati, sed necessitati hominum infervire, & quò simpliciores, eò salubriores, quos voraci hoc ævo, fusque deque habent Galli, struicibus fane gloriantes patinariis, aliosque seducetes Populos, struix inde malorum.

Accipimus vitam brevem, prodigii sumus, inopes fimus. Amplæ ut opes ad malum pervenientes Dominum, mox dissipantur ac disperguntur, ita modicæ, bono traditæ custodi, accrescunt:

*Adde parum parvo, quam plurima confer in unum,
E parvo tandem magnus acervus erit.*

Interrogans ego, paulo ante beatum è vivis excessum, Plurimum Reverendum & Clarissimum, Dominum Joannem Schellhammerum, Ecclesiasten Lutheranum Hagiensem, emeritum, Com-

Compatrem & Fautorem meum ætatem colendum, quomodo ad talem ætatis longinquitatem pervenerit, respondens mihi dixit: Vitæ innocentia, integritate atque Diætæ frugalitate. Cibi ergo modicus, sibi medicus.

Unam gulam, omnium penè morborum primariam esse causam, præmeditate assero:

Eva genus nostrum felicibus expulit arvis.

Nonne Protoplasti nostri, sola vegeti fructus comestione, ad nos, ferrosque nostros Nepotes, Mortis transplantarunt necessitatem? à morfu mors, lex universi, seu ultima linea rerum:

*Pauperiesque laborque fames & mille dolores
Et tota morborum acies comitantur euntes.*

Apprimè Diaeta in Naturalem, Vitalem & Animalem dispefcitur.

In Naturali, Victus ad formam, quantitatem, tempus & qualitatem dirigatur.

For-

Forma, speciem & substantiam comprehendit. Ratione Speciei, Victus sit mediocris & tenuis, cum fame à mensa furgat aeger. Quo ad substantiam, cibus suppeditur *ἔυχυρος, ἔυπεπτος καὶ ἀλγύροφος*, boni succi, facilis concoctionis & celeris nutritionis.

Quantitas, à firmitate & imbecillitate Ventriculi, dimetienda & ita moderanda, ne noceat *ἢ πλεῖον καὶ ἐνδοῦς*, copia & indigentia. Sanitatis studium non fatiari cibis, impigrumque esse ad labores. Corpora inprimis impura, quo plus nutriveris, eò magis læseris, læso nempe Ventriculo, arduum primæ digestionis negotium, indubitato hostilibus morborum myriadibus anfam præbebit, tunc

*Quo semel est imbuta recens, servabit odorem
Testa diu - - - - -*

Recordor hîc spurci heluonis & gurgitis nati abdomini; fatis noti, imprudenter Diaetae regulas subsanantis, sic ille suam, Ægrorumque plu-

plurimorum vitæ flamina , dirarum
in modum Parcarum , abrupit:

*Turpe est Doctori , cum culpa redarguit ipsum ,
I præ , deinde sequar mox pede cancer ait.*

Supremum profecto longaevae vi-
tae præsidium , sobrietas i *Corinth. xi.*
v. 2. Roman. 13.

Felix qui didicit contentus vivere parvo.

Immoderatis rebus , natura frangi-
tur & quanquam mens dignitatem
præstet , utriusque tamen incolumi-
tas , ab utriusque pendet officio. Et
ingenio pollere non sufficit , sed eo-
dem recte uti. Bene sperando & male
habendo mortalium transit vita , Per-
que Medentum inscitiam , mortalium
abbreviantur dies , & gibbosa fiunt se-
pulchreta. Ætate nostrâ , nemini fa-
cilius creditur , quam Medicum se
profitenti , cum tamen in nullo men-
dacio , periculum sit majus , optima
quapropter medicina , nullâ prorsus
uti medicinâ , à tali medicaastro.

*Præmissas fellis sequitur conclusio mellis.
Ut nulli nocuisse velis, imitare columbas;
Serpentem ut possit nemo nocere tibi.*

Aphoristicè, simplicitas astu bene fermentata triumphat, Magnusque quæstus est, Pietas cum animo, sua forte contento 1 *Timoth.* 4. v. 8.

Hujus & illius Pietas dat præmia vitæ.

Hoc Præceptum commendo tibi, fili, ut militiam milites bonam. Habens fidem & bonam conscientiam. 1 *Timoth.* 1. v. 18, 19.

Sit vulnus quodcunque, dummodo non conscientia. Et Verbum Dei verum medicinae Zymoma, quod in Nobis habitet abundanter in omni sapientia ad *Colossenses* 3. v. 16.

Ὁ λόγος ὃν ἔστι κενὸς ἐν Κυρίῳ ᾗς αὐτὸς ἐδέν.

Omnia tunc splendent, splendet si pectore Christus

Christianus Medicus, quotidie Sacra evolvat Biblia, meditationes habeat divinas, pias, pavidas, Vita illi
studia

studia sint, delitiæ, meditatio, divitiæ, scientiæ. Sed B. L. digressionis meæ culpam, in pium meum Zelum trajicias. Credens animæ immortalitatem cum constantiâ, mundi valedicit vanitati. *Hebr.* 12. v. 22. *Ephes.* 6. 2. *Petr.* 2. v. 20. 21. 22. *Matth.* 23. v. 27. At tamen existimo omnia, detrimentum esse, propter eminentem scientiam JESU CHRISTI Domini mei: Propter quem omnia detrimentum feci, & arbitror ut stercora, ut CHRISTUM lucrifaciam, ad *Philipp.* 3. v. 8. In Deo meo omnia: *Esa.* 44. 61.

Esto quod audis, Symbolum Imperatoris *Valeriani Aureliani*, quondam erat, quod & quilibet indefinenter consideret. Per linguam nisi significantem, sermonem dederitis, quomodo intelligetur id, quod dicitur, eritis enim in aërem loquentes. Sapiens cum tranquillitate de morte cogitat, ut portum æternæ vitæ attingat:

*Mors tua, mors Christi, fraus terra, gloria Coeli,
Et dolor inferni, sunt meditanda Tibi.*

De cætero, Tempus cibationis, uti omni in morbo, ita & in Ascite constituatur, nihil magis officit, Viresque atterit, quam jejunare diu, & inordinate cibum ingerere, ad summam usque noctem & gulam; Consuetudini tamen indoctæ quandoque aliquid condonandum, subita enim, à consuetudine penitus immerfa, abstractio, nemine contra nitente, pessima sæpe. Nec non Cibatio, in ipsa lypothymix vel exacerbationis febrilis invasione, fodes dic, ecqua exin nutritio? spirituum refectio ac restitutio? Annon perniciosus illico inuritur character, imo ipsa mors, multi attestantur casus tragici. Natura vult duci non cogi.

*Fatales veniunt casus, sperataque nunquam
Damna, licet caveas, effugiasque procul.*

Ab uno extremo ad alterum haud
dela-

delabendum. Homines ægri à Sanis maxime sunt discernendi, Hi, nullis plane se legibus obligant, nec Medicis indigent, multifarium vitæ genus eligunt, frequentissime se exercent, rarissime quiescunt, nullum alimonii genus respuunt, sive diu, sive noctu, interdum conviviiis interfunt, interdum ab his se retrahunt. Venationibus perquam deditos *Serenissimos* novi *Principes*, de die ter vel quater cibum capientes, maturam sic senectam abigentes, longamque adolescentiam agentes, atque belli tempore ignavos ac timidos milites ad pugnam excitantes. Bene valeant diu, venatum eant, justitiam colant, bonumque publicum promoveant, ad *Galatas* 6. à *Deo*, supremo beatæ perennitatis arbitro, toto corde voveo.

*Transivêre patres, & nos transibimus omnes,
In coelo patriam, qui bene transit, habet.*

Plurimi hodie de arctiore & non laxiore annona conqueruntur, me-

cum haud gravatim in memoriam revocent, camino insculptum marmoreo sequens, in Elecomofynariorum Hagiensium camera, prope portum Delphicum:

Pauperies pacem, dat opes, pax, copia luxum,

Luxus dat Bellum, Bellaque pauperiem:

Fons amor est odii, vita mors, turba quietis,

Stant, qui deciderant, quique sterere, cadunt.

Et capti capiunt, & qui domuere domantur,

Fit Victo supplex, qui modo Victor erat.

Sic plebi indomita, sic sunt sua fata Tyrannis,

Sic Deus alternas versat in Orbe vices

Qualitas interea Cibationis in Hydropicis, contrarium indefinenter exigit Victum. Cibi sicci humidioribus, assi elixis præferantur longe: Elix, seminibus convenientibus, herbis, radicibus, aromatibus, avarâ permisceantur & condiantur manu, quo stomachi Zymoma debilitatum à contumaci morbo, commode cibos subigere queat rursus.

Panis, & sanis & ægris optimum est nutrimentum, primò appetimus, ultimo

ultimò amittimus. Sanguinem præ
cibis cæteris citiorem & laudabiliorem
generat, triticeus sit, vel secalinus,
valide subactus, in clibano igne mo-
derato coctus, vel biscoctus, pridia-
nus vel triduanus. Ab Asciticis meis,
panem hordeaceum, avenaceum, vel
miscellum è seminibus variis, fabis,
lentibus, pisicis compactum & pistum,
ad Rusticos, fabros aliosque relego
quadratos, consuetudo illorum, cum
altera sit natura, rarissime ab illa re-
cedunt, longo enim tempore consue-
ta, quamvis deteriora minus tamen
molesta esse solent. Et Pharmaca illis
etiamsi *de assing* propinata, sæpe nihil
operantur, observavi in Essedario
Sueone & rustico Leckerkercano, ob
texturam Ventriculi robustiorem, fer-
mentum extraordinarium, magis acti-
vum, aptum natum, facultates medi-
camentorum cito castrare ac destrue-
re, tandem præsentaneo Cimbrorum
& Norvegiorum specifico excepi cita-
tos, pluresque alios.

*Et quoniam variant morbi, variabimus artes,
Mille mali species, mille salutis erunt.*

Melones, Pepones, Cucurbitas, Cucumeres, Mala Persica & Armeniaca, Pruna, aliaque fructuum genera. Juglandes, Castaneas in totum, sive crudas, sive tostas, elixasve, quod flatus, obstructions, dolores colicos, putrefactiones pariant, à mensa Hydropicorum proscribo, nec non Olerum & Oleraceorum parcum, vel nullum usum.

E contrà, Malorum citriorum, Aurantiorum, Limonum, Punicorum sive Granatorum, magnopere usum Commendo & præparationem legitimam. Nullis finis ex se provenit, sed requiruntur media, quæ primario, juxta unanimem Auctorum consensum, pecunia:

*Est mundus Pelagus, Regina, pecunia, nauta,
Navigat infelix, qui caret hujus ope.*

Carnes, ad corporis nostri analogiam

giam magis accedentes & vegetabilibus alentes, hydropicis commendo, Carnem bovillam, non è bove aratore, multo minus ex admiffario, fed ex castrato, annum quintum vix excedente, qui potius carnosus quam præpinguis fit. Vitulina, Vervecina, Cervina, Capreolina, Leporina, optimæ semper notæ. Quin & Avium præprimis sylvestrium carnes, Perdicum, Attagenum, turdorum, alaudarum, & aliarum haud obfcoenarum, aquasque incolentium, qualis tamen persona, talis perizoma, Herus non servi nec servus heri utatur alimonia.

*Nulli tuta datur requies in carne caducâ.
Nobilitas sola est, animum quæ moribus ornat.*

Caponum, gallinarum juniorum carnes, quibus liberum volandi & errandi exercitium conceditur, jam adductis succenturiari queunt. Nec silentio hîc prætereunda sunt Ova recentia, tremula, forbilia, cito & mul-

tum Hydropicos nutrientia, ausim
propugnare, quantum ova ponderant,
tantum illa sanguinis suppeditant.
Omni adhortor studio, variationem
esculentorum analepticorum esse insti-
tuendam, penes Magnates, opportu-
nius & commodius nihil Gelatinis, è
carnium recitatarum succo :

(*Dulcis inexpertis, cultura potentis amici,
Expertus metuit.*)

Et Piscibus saxatilibus, quales sunt
Truttæ, Salmones, Lucii, Percæ,
Funduli. Interdum Harengi recen-
tes, mira præstiterunt, τοῖσι καί μιν οἱ κα-
πες.

Embammata generis varii, non inu-
tilia, ut & Condimenta λεπτύνονα. de
his ob dulcedinem plus ingeritur,
quàm decenter digeritur, hinc

*Dulcia sæpe nocent avido gustata palato,
Votæque damnosæ luxuriosa gula,*

Potus sit parcissimus, quippe ob-
servatum ab omnimoda potus absti-
nencia

nentia per aliquot menses , imo integrum annum , nonnullos ab horrido affectu nostro liberatos , pristinaeque restitutos fuisse sanitati ; Verum enimvero juvamentum hoc flebile satque triste , vix centesimus , nec dum millesimus , opiparè & apparatè assuetus vivere , amplexabitur , in Dominis plerunque immorigeris rarissimè , in famulis autem , quos ærumnae premunt omnes , sapicule locum invenit. Aqua cruda , optima licet sit & fontana , ab Ascitici procul absit mensa , quod si vero ,

Vina fugit gaudetque meris abstemius undis.

Candente chalybe aquam coquat , cinamomo , flavedine corticis citri , liquiritia , sarsaparilla farinacea , passulis majoribus exacinatis Smirnaeis corrigat & bibat. Imo ad promovendum lotium , Spiritum balsamicum assumat rectificatissimum , summum corporis est abstersivum , atque à putredine prophylacticum incomparabile.

Cere-

Cerevisia pura, optime cocta, parca propinetur manu, pariter ac herbis, radicibus, corticibus præparetur singularibus.

Vinum meracum, liquor ille coelestis, moderate fumatur loco aquæ, mentis, nubes denubilat, cor lætificat, ventriculi pellit imbecillitatem, Sancto Paulo suadente auditori suo Timotheo. 1 *Timoth.* 5. v. 23. Homines etiam ad munia sua probe exsequenda, vegetiores & promptiores reddit. In exacta verò Vini Descriptione, curiosum & prolixum pro tempore me non præbebo, dummodo Vinum *Cos* sit, cum annexâ exegeſi, Colore, Odore, Sapore. De Mosellano & Rhenano, si sine dentibus, dicunt

Vinum Rhenanum, decus est & gloria mensæ.

Minime verò de Bavarico & Jenense nimis austero:

Hæc ubi nativum colles lachrymantur acetum.

Vi-

Vinum Hispanicum & hîc discon-
ducit, quoniam impedit diuresin; at
conducit Vinum meum antihydropsi-
cum, ac nonnunquam Hippocraticum
seu aromatizatum, quod *Batavi nostri*,
Sponsæ lachrymas appellant, venien-
tibus enim gratulatum Amicis propi-
nari ac porrigi solet, juxta Lycurgi
Scholam sobrietatis; *Angli* simus neu-
tiquam, qui, teste *Cambdeno* de rebus
gestis Reginae Elisabethæ, solemne
habuerunt, immodico se proluere Vi-
no, aliorumque salutem propinando,
suam affligere & mergere. Papæ!
quanta corpori è potu pomeridiano,
nocturno seu somnifero, accedunt in-
commoda, in Magnatum aulis ac
conviviis, ut plurimum Aulicis,
quid aulici?

Ore aliud, taciteque aliud sub pettore versant.

Tu vero ad hos invitatus, non è
perforato poculo bibas, sed

Esuriens tantum comedas sitiensque rigabis,

Ne stomachum laeso fortè calore graves.

Com-

*Compositio mensam decore sermone rogatus,
Exornes paucis seria verba jocis.*

Cæteroquin, ventri atque abdomi-
ni viventes toti, delicatisque dediti
gulis, Vinum immodice hauſtum,
non minus hodie, quam olim Vene-
num eſſe ipsis, pronuncio intrepide,
ἀσθον ἐμὴν, ὁ πόσις, Balneum eſt, non po-
tio. Ubi aſotix indulgetur *Lucæ 21.
ad Ephes. 5. v. 18. 1 Theſſalon. 4. v. 3.*
ibi Deo, honoribus, juxta & Erudi-
tioni, via intercluditur. Longe,
longe inquam, à nobis amoliamur,
ne nos incautos opprimat, aut inefca-
tos trahat, veluti hamo piſces in æter-
ni exitii naſſam.

Intuere quæſo ebrietatis habitum,
verba audi, mores aspice, quid vide-
bis? Nihil, niſi ignorantiam ſui, du-
bia & parum explanata verba, incer-
tos oculos, gradum errantem, Capi-
tis vertiginem, motus convulſivos,
paſſiones colicas, enormes vomitus,
tremulas manus, genas pendulas, fu-
riales Somnos & inquietem nocturnam.

Suc-

Succincte , nullum plane in animo
latet vitium , quod non prodeat :
Utpote , patrimoniorum effusiones ,
egetas , veritas mordax , sanctitas
adulterina , furta , cædes , libidines
portentosa , rerumque divinarum læ-
ta quædam oblivio , vulgò *Atheismus* ,
quo proh dolor Belgium scatet , totus
docet dies.

*Vir pius est animal rarum , paucasque per urbes ,
Et per rara locos habet : Et rarissima virtus.*

Asina prófecto Bileami Atheistas
superat singulos *Numer. 22.* Nuper
quidam ex his divulgavit scriptum ,
quod pauper jaceat Diabolus , inque
Hollandiâ vivere non posset , ob sti-
pendiaria vestigalia , multa & magna ,
quæ exercentur & exiguntur ; Verum
qui adhæret *Domino Jesu* unus cum eo
fit Spiritus. *1 Corinth. 6.* Trahe me ,
post te curremus *Cantic. 1.* Deus tibi
totum est : Si esuris , panis tibi est ,
si sitis , aqua tibi est. Si in tenebris
es , lumen tibi est. Si nudus es , im-
mor-

mortalitatis tibi vestis est. Et quæcunque vultis, ut faciant vobis homines, ita & vos facite illis. *Matth. 7.* In sacris, cogitatione mea quod non assequor, veneror. *Dei* est, nosse, mei est credere. *Psalms. 119. v. 6.* *Actor. 16. ad Ephes. 5. Roman. 5.* In *Jesu* ergo *Meo*, quies optatissima, spes firmissima, refectio beatissima, opulentiaque mea tutissima. Amen.

Janua in coelorum pia mors, finisque malorum

In Vitali Diætâ, Aërem ζωοφόρον esse, vitam omnibus ac singulis largientem, atque neminem abs eo, ne momentum quidem vivere posse, etiam me tacente, satis liquet, μέγιστος ergo est δυνατής. Quantum quimus, Ascitici consideratâ diathesi, aërem eligamus serenum, purum, calidum, siccum, naturæ qui nostræ perquam amicus & salutaris est, κυκλοφορίαν conservans regularem, lymphamque in tubulis turgescientem & inflatam temperans ad prodigium.

Frigidus, humidus, liberam impedit

διὰ πνοὴν, varias producit obstructions, particularum balsamicarum acorem, motumque sanguinis segniores, nemo facile inficiabitur. Aëris anomalia, ab effluviis telluris, maris atque aliorum corporum, pro vario solis dominio exoritur. Quando libero in aëre, ex animi sententiâ Ascitici vivere nequeunt, in publico non amplius prodeant, verum domi lateant, privatumque aërem idoneis corrigant suffitibus, ignibus, haud leves Gallorum more portent vestes & sæpicule mutant, morborum exin fyрма, breviter, frigus non aliter oculis, quàm acidum dentibus, & spina pedibus nocet.

Medicus inter hos, aliosque contagiosis morbis infectos, si versari tenetur, tunc crebriorem illi committo exspuitionem, particulæ hoc passu peregrinæ, à lymphâ susceptæ salivali, ne in Massam transvehantur sanguineam, perfacilè impediuntur.

At præservationis tamen causa, debito in præbio, Essentiam alexicacam, Theriacam coelestem. Pulverem vitam

prolongantem, cui multum tribuit
 Celeberrimus Dominus Joan. Justus
 Winckelmannus. Vel Rotulas meas assu-
 mat prophylacticas. Sic annuente Sum-
 mo *μίσος* & eliminabuntur acriora &
 valde putrida, præcordia occupantia,
 Venosum genus laxatum corroborabi-
 tur, motus excitabitur pristinus, vigor-
 que tandem conservabitur sanguinis:

Qui caret argento frustra utitur argumento,

Qui dare scit, non qui dicere, Rhetor erit.

In Animali Diætâ, primo occurrunt
 loco, Motus & Quies.

Motus mediocris, propter obstru-
 ctionum averruncationem, lymphæ
 noxiæ exturbationem atque spirituum
 sopitorum exturbationem, conducit:

Omnibus est cautè jungenda modestia rebus,

Laudatur medio sæpè stetisse loco.

Ergò quicquid agis, tutâ ratione probato,

Exemplique memor, fac tueare modum.

Quies disconducit & puero perspi-
 cuum. *ad Ephes. 5. 1 Thessalon. 4.*

Curis plenus eris, si vis ut glorificeris.

Somnus sit moderatus, ratione tem-

po-

poris, decubitus, situs & loci instituat-
tur. Redintegrator est virium, propa-
gator laborum, debellator dolorum,
immoderatus autem nocet.

*Qui fugiunt morbos, facilis medicina paratur,
Dumque subest fructus, flos, foliumque notant.*

De Vigiliis idem esto iudicium, per-
grata tolluntur musicâ, avium concen-
tu, aquarum transfluentium murmure,
molendinorum susurro, vel pediluvio-
rum, absente pedum tumore, singulia-
rium usu, quorum efficaciam & aliis in
morbis deprædicare fatis nequeo. Malè
aliàs habet Medicus, si nemo se malè
habuerit. Malum est bonum intempesti-
vum, præstatque mari malorum, tran-
quillo, quilibet gubernator est.

*Est melius fecisse aliquid, quàm vivere segnem,
Pallas ad ingenium quodlibet apta venit.*

Excreta & Retenta, in naturali suo
conserventur statu, alvus si non respon-
det, ad officium suum prosequendum
admoneatur, in habendo alvum quoti-
die mollem & urinæ difficultatem plane

nullam, Sanitas facile custoditur. Neque Sanitatis custos solers, naturæ conatum, cum per sudores à feri superfluitatibus se liberare satagit, impediatur, sed potius, mollibus stratis lecti operiendo ad illos se componat:

*Nil stabile in terris, quod corruet, ecce movetur,
Quæ sunt principio ducta, vigore cadunt.*

Αφροδισια, malum alioquin prædulce hîc intermittatur, atque in memoriam redigatur Anacharsis olim monitum aureum, Mentulam compefice. Voluptas pecorum sane bonum, amplectitur Hæctores Veneris, ut strangulet.

*Sperne voluptates, siquidem caligine mentem
Turpiter occoecant: Virtutem delige semper,
Sic datur insignis lauri de fronde corona.*

Animi pathemata, rectæ rationis fræno moderentur, Medicus Ægrum erigat indefinenter restitutione felici, Ipsique verum ac fidele in formâ triangulari Xenexton, in collo ad Cordis regionem suspendat: Voluntatem Divinam, Fortitudinem & Æquanimi-
tatem,

tatem , infallibiliter tunc *Dei* , Conservatoris Optimi nutu , hostis trux , cum acribus suis tormentis ac machinamenti repelletur & devincetur. *Genes. 3. Ecclesiast. 12.*

*Cùm fax , cùm limus , cùm res vilissima simus ,
Unde superbimus , ad terram terra redimus.
Corpus inane Animæ tandem foetore maligno
A se abigit cunctos.*

Demirandum insuper , quod *Numerorum capite quinto* , de aqua maledicta cum pulvere de folio tabernaculi mixta commemoratur , cujus è potu , detersis priùs maledictionis scriptæ literis , atque cum aqua mixtis , venter bibentis *Reæ* intumuit & femur computruit. Justus est *Dominus* & justa sua judicia , ex universali etiam Macrocosmi constat Diluvio , quod tamen pro infinita suâ misericordia & inexhausta bonitatis suæ abyssò , omnipotenti virtute sua rursus decrescere fecit , fuscitato Ventorum flabello , undæ omnes absorptæ , exsiccatae , tellusque arida in
pristi-

pristino pulchritudinis suæ appareret decore. Is quoque suavem divinæ Virtutis excitet auram, eamque Medicaminum adspiret usui clementissimè, quò Diluvium nostrum in Microcosmo prosperè ac prospicienter expellatur & fugetur: Microcosmus iterùm exoptatæ constitutionis integritate suâ gaudere queat.

Faxit hoc Triunus *Deus, Rex Regum, Dominus Dominantium, Vitæ, Necisque Arbiter Gloriosissimus*, ad Sacrosancti Numinis sui Gloriam & æternum honorem:

Hoc quod largiris, Deus, en Tibi reddo talentum.

Quod si cui prosum, laudis id omne tui est.

FINIS.

ERRA-

ERRATA

Per incuriam Typographi, quæ irre-
pferunt B. L. pro tua perspectissi-
ma corrigas benevolentia.

IN præfat. pag. 8. lin. 18. loco ζ. lege ξ. Pag. 9. lin. 20.
loco ζ. lege ξ. Pag. 10. lin. 4. loco Site, lege sito.
Pag. 12. lin. 10. loco ner. lege mer. Pag. 13. lin. 8.
loco cus. lege. cu. Lin. ii. loco οφ. lege ομ. Pag. 15.
lin. 1. loco to. lege. tol. in agon. Pag. 9. lin. 4. loco
tri. lege test. Pag. 15. lin. 6. loco des. lege dis. Pag.
18. lin. 12. loco sii. lege si. Lin. 24. loco par. lege pa.
Pag. 20. lin. 9. loco mæs. lege mas. Lin. 15. loco ζ. lege
ξ. & sic porrò. Pag. 22. lin. 1. loco copp. lege cop. Pag.
23. lin. 7. loco ut. lege at. Pag. 30. lin. 16. loco. Fol.
lege Fal. Pag. 37. lin. 9. loco tur. lege ter. Lin. 15. loco
nis. lege mis. Lin. 16. loco qui lege quæ. Pag. 40. lin.
12. loco lan. lege la. Pag. 48. lin. 10. loco ria. lege rio.
Pag. 53. lin. 17. loco peo. lege pro. Pag. 54. lin. 3. loco
fio. lege fi. Pag. 61. lin. 19. incessus lege fractus, atrop-
hia exitialis, à frustratâ. Pag. 83. lin. 19. loco que.
lege quæ. Pag. 88. lin. 15. loco du. lege di. Pag. 89.
lin. 10. loco nar. lege nat. Lin. 13. loco cum. lege cus.
Pag. 96. lin. 2. loco his. lege hi. Pag. 97. lin. 13. loco
cae. lege coe. Pag. 99. lin. 16. loco vvi. lege vi. Pag.
100. lin. 17. loco mi. lege me. Pag. 103. lin. 12. loco.
quin. lege qui. Pag. 108. lin. 25. loco nes. lege nis. Pag.
115. lin. 2. loco berburum. lege berberum. Lin. 3. loco
acceto. lege aceto. Pag. 121. lin. 10. loco alioquot. lege
aliquot. Pag. 123. lin. 3. loco alioquot. lege aliquot. Lin.
23. loco agyrrp. lege agryp. Pag. 128. lin. 6. loco 7vp.
lege 7vp. Pag. 135. lin. 19. loco rubus. lege robus.
Pag. 136. lin. 17. loco nullis. lege nullus. Pag. 141. lin.
20. loco pet. lege pect. Pag. 144. lin. xi. Janua in.
dele. in.

EPIDOSIS

Ad Momum baubantem.

Qui dudum læsit , porrò dum læ-
dere nescit,

Latratu victus næ satis ipse suo:
Parcere nunc fertur; veluti dum mor-
bida cessit

Baubantis letho vis rabiesque canis.
Crede mihi, Virtus non est, tum vel-
le tacere ,

Gutturè cùm rabido vox mala fusa
tuo est.









